

田間詩集卷第七

江上集 庚子

方還山過訪村居有贈依韻奉和

海內詩寒老孟郊  
 逢迎猶有故年交  
 難餘忽共新栽被  
 亂後重營舊覆巢  
 竝哭窮途殊出處  
 好拈險韻費推敲  
 田廬未就栖身窄  
 消受江村一把茅  
 管領騷壇自過江  
 高吟猶記隔池窗  
 紅亭淥水花千朶  
 白眼青天雁一雙  
 往事已成春夢醒  
 狂心端賴夜禪降  
 老年聚首無他事  
 易在牀頭酒在缸

懷齊方壺





日開詩集 卷一  
同學書堂久未過憶君吟嘯徧山阿悲秋夜半商音發  
感遇尊前楚調多滄海杳無鴻雁影青春空老白狼河  
向來狂態知難改醉後如聞出塞歌

得龔仲震閩中書信

忽得故人信遠從江上魚如何沙縣別纔接海澄書多

難交頻減漫游計亦疎令君吾未識應自重相如

海澄令爲

吾鄉人素不相知脫仲震於難書來云推某分恐未然也

穫稻詞

女蹋碓兒埽倉我家今日稻登場穫稻上場打稻畢拂  
還租稻叉手立往時入倉纔輸官今年只在場上看晚

禾乾死田無稔又下官符催馬草買草納官官不收千  
堆萬堆城南頭風吹雨打爛欲盡餓殺闌中子母牛

催糧行

催完糧催完糧莫遣催糧吏下鄉吏下鄉何太急官家  
刑法禁不得新來官長亦愛民那信民家如此貧朝廷  
考課催科重鄉里小民肌膚痛官久漸覺民命輕耳熟  
寧聞冤號聲新增有名官有限兒女賣成早上縣君不  
聞村南大姓吏催糧夜渡公然上婦牀

水夫謠

水夫住在長江邊年年捉送裝兵船上水下水不記數



田間言集 卷七  
但見船來點夫去十家門派一夫行生死向前無怨聲  
衣中何有苦搜索身無錢使夜當縛遭他鞭撻無完膚  
行遲還用刀箭驅掣刀在腰箭在手人命賤同豕與狗  
射死紛紛滿路尸那敢問人死者誰爺孃養汝纔得力  
送汝出門倚門泣腐肉已充烏鳶飢家家猶望水夫歸  
乞食兒勿求飽如今惟有乞兒好富人有糧貧有丁羨  
爾不聞追呼聲鄉里小民難到縣羨爾不見縣官面官  
家賦稅多如麻汝徒只稅籃中蛇君不見富家翁朝防  
吏人夜防賊通宵有眼合不得籃中蛇去值幾錢草堆

一夜齁齁眠

捉船行

縣裏今年大捉船有船不近長江邊往時繫纜闌江口  
如今橫艦截江守峨峨大扁載官艦官不放行可奈何  
捉船到官候糧久可憐無糧燒船走男兒生計亦無窮  
何苦老在波濤中從今應與江神別此生誓不理篙楫  
閒得一夜心不休明朝替人駕小舟

寄懷白門舊游五首

屬門人何怒飛問  
訊諸子詩以代書

馴象門西老逸民兩年晨夕最交親圖書相對全無事  
粗糲同餐未覺貧雪裏顏開僧舍酒花時淚濺帝城春



揚雄居遠謂炯伯吾歸遽試問追隨尚幾人胡星卿

雨花臺側破山前有客樓居十幾年坐臥一牀人罕見

購求千卷手親編賢甥酷似能借隱阿叔雖癡亦好玄

造席若知吾弟子怒飛擬訪松風閣定容汝宿萬松顛張瑞星

元倬先生馬巷居修梧小石野人廬牀因客臥書頻卷

詩以交嚴冊漸除頭白未妨冠服古眼昏應與簡編疎

別來念爾心灰盡尚覺杯中興有餘王元倬

青門未必世堪逃自是東陵隱計高竟肯種園身本健

公然執爨婦殊勞灰心轉怕新聞至得酒時防故態豪

與我明年俱五十那能同醉臥江皋常蒼谷

季子孤標野鶴姿老來持重亦吾師長齋不斷杯中物

遠害常防亂後詩世網徧張余自放禪關已過爾還疑

莫因學道身心苦何日為君撒手時錢季水

又二十四首

園上頭陀族本華多年賣畫作生涯閉門反教鄰人鎖

潤筆淡防老友賒白鷺洲邊停杖屨芙蓉山畔領煙霞

交親索負柴扉滿誰信終朝不在家朱七處

城北王生舊有聲孝思友誼嶺南行親喪遠至通街泣

旅櫬兼扶舉國驚王迎喪嶺南并扶潘廷尉櫬回酒到十分神始王身

惟一綫繫非輕橋邊相訂移家出擬覓吾鄉數畝耕王杲



仲子無端滯網羅北來家信近如何交游早慮危機伏

患難還知俠氣多老友詩于連夜燬

君聞難先焚篋中詩阿兄鬚

在一年儲謂星

生還遠寄江村訊飛棹衡門與嘯歌

胡君

屋

城南野色滿西街白板門稀漸補柴佛戒易持難斷酒

家人不勸盡長齋市中賣藥惟僧乞寺裏聽經有弟偕

臨去誤收書一卷至今展對即牽懷

張僧持

白下知交半隱淪同時最有子雲貧辨端欲起皆知讓

星學頻推豈認真

楊好推星命

性不茹葷非佞佛家常絕粒

未求人江村老友柴門遠撥草穿畦月幾巡

楊炯伯

牆東處士髮星星老屋苔侵戶晝扁野哭每逢先帝

忌身閒甘授小兒經談時微中終朝默酒不辭斟徹夜

醒疑我有書人罕見欲來竊向帳中聆

王維中

墨妙如君世亦稀看君遊戲頗忘機囊非正乏輸錢却

卷自成堆得酒揮遠客乍還經宿去貴游屢約及期違

松風閣上青田石許為鐫還竟不歸

張大風

衣履蕭然處士風吾徒世法幾人通律詩自與唐音近

章法言于漢篆工宅卜南村因夙好身離西席便奇窮

齊年尚有開平後

謂蒼谷

明歲同稱五十翁

吳樵月



荒園一徑入蒿萊常與溪翁薄暮來但到賓朋逢茗熟  
弗拘時節有花開家私已盡惟藏畫酒量雖差不斷杯  
猶記小橋橫席坐月高闌進醉忘回

姚伯右

隆準爭憐高帝孫每談往事欲銷魂朱門入籍知難賣  
翠袖從良說尚存亂日飢寒猶是福非時凌虐豈稱冤  
遠遊爲負兵家債流落松江何處村

朱茂昭

蓬門開向小橋邊避世經今十六年遂見山陵驅牧馬  
每逢國忌拜啼鵲爲儒半出門牆下佞佛時遭搶寺前  
羨爾食貧無重累杖頭常帶酒家錢

金伊仲

年年麥飯哭冬青阜帽方袍共幾人麩蘖難消亡國恨

芟荷不染朔風塵徒聞苦柏矜高節未有寒梅漏小春  
意氣似君貧不久問君底事只長貧

殷任野

早歲逢迎記不真那堪鬚髯盡如銀疎花小檻松江宅

野徑孤筇白下人

褚松江人寓居白下

畫倩老僧傳筆意繡疑嬌

女是鍼神

家繡多乞七處粉本

如何歲暮柴門掩又作淮南幕裏

賓

褚白浮

建安游子滯難歸困在江城古帝畿賣畫僧慳分潤少

燒丹友死乞錢稀

謂陳古公

故山賊占長僑寓淡巷人尋倒

啓扉近日閩鄉容易貴如君偏是苦長飢

黃波民

馬路街邊舊草堂圖經千卷小樓藏異書試檢丹黃徧



難字頻詢亥豕詳潤筆每蒙資困乏

閩人屢託君屬書於余

聯牀

常得備遺忘借來祕本僧廚失應有神靈護不亡

借祕書藏

脩藏社為人竊去○黃俞節

門西小市倚城隈一月經過定幾回初學易林頻布卦

自開酒店動傾醅孀親節著徵詩檄狎客談皆作賦才

斗室炎蒸淡坐日北窗曾有好風來湯聖弘

憶別梅岡舊酒壚憐君行脚海天孤性難合處原知僻

跡太奇時漸近愚為客久無穎士僕隨身惟有孝陵

圖顧摹有孝陵圖白門相念癯禪外謂旭更見南陔老病夫顧寧

人

頭白張顛志已灰萍蹤未許海鷗猜幾家圃內求花接

何處階前選石堆丘壑境從詩法悟江湖興自酒杯來

導師有意為摩頂浪杖人欲念著萊妻苦要回張大玉

蕭寺浮居客滿廬談天聲價近何如酒錢共仰君平卜

詩句頻央逸少書謂王山癯樹裏簾收人散後橋頭燈燦月

明初經行處處同攜手獨有狂奴足跡疎周勿菴

簪帽荷衣道士裝看君奇癖在膏肓竹筐滿市收茶具

藥裏逢人試禁方家為燒并全破廢身思賣卜且韜藏

知君有宅桃花塢終歲何曾到草堂謝逸人

檜樹森森滿寺陰蒼苔路滑日相尋同叅單上人皆散



說法堂前草漸淡托鉢幾完行脚願把茅誰作住山吟  
栖霞捨就吾何供千里拈將一寸心天界同參諸子

長干壯麗九州稱聞道今年土木興留取臺基容禮壇

倒開窗戶看然燈杖人儼有此式垂簾大半多高士挂錫其中

有異僧若遇故人相問訊為言鬚髯白鬢髻長干寺諸子

新亭岡轉一茅孤破衲棲山老更癯持戒自知嗔性在

授經屢辨字音誣蒲團夜雨談圖識麥飯春風哭鼎湖

最是別來常挂憶佛前摩頂小僧繼旭初

憶在長干數往還避喧淡入祖堂山一時齋粥松根送

雙扇柴門竹裏關老病秋林增點綴蹣跚石磴慣躋攀

去年寫幅煙雲寄牢挂江村草屋間祖堂介丘上人

### 雜憶九首

南來佛法自牛頭二十年前此熟遊長憶小房耆舊住

偶逢佳客茗蔬留大江潮白窗窗見古澗藤纏樹樹秋

相識獨存監院叟對人猶說昔風流牛首監院

高座苔荒野色侵游人只在雨花陰路纔轉過喧隨隔

客自來稀境豈淡黃葉堆邊方士醉梅花窗下老僧吟

一從寺閉兵搜後無復扶筇得得尋高座寺

南朝諸寺首長干百戲叢叢院落寬黃口喧稱新國手

寺有奕手白頭閒話舊中官御碑額許游人坐輦道錢



憑賭豎攤近日松園頻試馬可憐老樹半彫殘

長于寺

溪流脈脈繞頽牆曾客荒林舊道場竹影篩殘淡院月

梅花凍白一庭霜彈琴僧見經時化說劍人傳蹈海亡

今日山門新壯麗爲看丹堊益淒涼

普照寺

朱雀橋南塵最喧纔離市口綠陰繁青苔巷埽家家路

白槿籬編處處村王氣已銷松樹盡軍書忽下竹林髡

比來煙雨蕭條甚空有樓臺望裏存

琉璃窰上一村偏小巷疎籬盡可憐僧舍門當清晝閉

人家路向亂畦穿打柴婦過空樊圃放馬兒來各斂錢

數里琅玕官伐盡卽今幾箇轉蕭然

南岡路出鳳臺門草色苔斑滿淚痕碧血已收難入土

丹心終在不稱冤未聞令下仇枯骨徒以交貧滯旅魂

擬斂錢租荒寺地可還移得殯江村

移居爲卜白門幽豈意居民事事愁闌市怕收騎死馬

犒兵權借放生牛逃完戶口官難問牽去妻兒債未休

惟有山僧裝不改近聞牒下漸苛求

小市居因老友招短牆門閉草蕭蕭偶逢僧出搖葵扇

閒看潮生坐板橋晨起絕糧鄰肯借夜歸辨語犬來邀

盈庭秋色誰爲主獨有胡翁歎寂寥

仲兄初度日偶成四十韻



青山招隱地阜帽灌園翁筋力天私健門庭齒最崇  
早栖羈客似獨宿老僧同飽肉資兒俸供甘費女紅  
以鍼解我菴黃葉下兄臥白茅中容膝纔如斗遮頭略  
佐甘旨比蓬屐乾晴怕脫書爛濕頻烘夜榻施氈覆秋燈著紙  
籠誦因無本熟句以不眠工警寐聞蘆雁聯吟伴草蚤  
題枯思曲折字細眼矇矓入世嫌腸直居家幸耳聾酒  
惟呼弟飲經必遣孫通糞看粗婢爲牛弄小僮劉芻  
宵喂寒除架早栽菘鄉里衣冠混尊罍餅餌充毋輕開  
此口切願反諸躬事到手偏棘人知心尚篷馳驅焉得  
已噉啜漸難雄且喜荆猶合休嗟桂舊叢岳連慙二室

行斷剩雙鴻險韻詩更和佳辰杯肯空霏微吹座雨明  
滅隔江虹方竹栽斑杖圓荷截碧筒英餐初墜菊曲奏  
半焦桐自得貧居趣何須生計豐七旬來鼎鼎百歲過  
匆匆莫任胎成性應拚講習功叅禪隨意坐學易與身  
終祠屋穿三架瓜田廢數弓晨昏依木主清白守家風  
樹色窗朝北湖光戶面東乘涼颺習習曝背暖融融  
物銷閒怒齋心息內訂擁爐圍襪被篝火映簾櫳音籟  
由天發頭顱任雪蒙豈徒寧喘息兼以課兒童祖德時  
時說遺編世世攻少年能聽順長者亦虛公卽此真安  
樂誰言吾道窮



重九日友人見過

柴門住近大江涯有客追尋路苦賒  
三徑葉聲高士屐一庭山色老僧家  
茱萸正熟經秋酒叢桂還留滿樹花  
向後詩壇欣有屬獨拚歲月註南華

寄題劉臣向山居

陶公祠側竹森森小構三間倚碧岑  
借倩石崖當戶擁安排老樹滿庭陰  
市囂漸作偷閒計家足縣知勇退心  
從此俗人都可謝白頭緇侶得相尋

捕魚歌三首

長河水退疾如箭江魚上水只一綫  
土人關魚亦擇日

織竹爲梁罟同密水口有梁魚早驚  
大魚小魚湧來爭大魚奮鬣向空擲  
去江咫尺出不得鯉魚信是非凡鱗  
騰空躍過真有神小魚無神枉自急  
依倚大魚頭戢戢聽得水響皆回頭  
水聲亦是灘上流灘上細流旋已汜  
諒汝終是池中物

清晨打魚魚網齊人多水淺水爲泥  
大魚入網歸漁戶小魚亦聽村人捕  
風寒如刀人不覺一半無曾空手捉  
捉得鯉魚已在手手滑旋爲他人有  
物物有主爭不得此魚非汝口中食  
嚙強不動灘上鱗灘邊挺叉先有人  
往來搜括何太盡寧有細族水中剩  
水中之魚亦善藏



田間詩集 卷十  
明年出水三尺長

六月潮水破我堤潮來有魚稻無畦稻有佃人魚有主  
魚雖食稻不得取家家水到柴門前網挂牆壁空垂涎  
行人爭見魚湧上今來取魚殊失望或云九月連朝霧  
鯉魚引魚乘霧去我思此物之來天所予佃人無稻魚  
當捕君不見佃戶田邊水尺餘下水捕捉皆有魚

二子篇

我行萬里今歸來閱盡天下無奇才垂老江村識二子  
聲名不挂當時齒楊子祖父來東鄉家貧親老事岐黃  
戴子歷陽名父後一篋輕身萬里走兩人篇章殊精妙

雕蟲小伎何足道戴子痛父志未伸衣袖斑斑漬淚痕  
學道豈必求出世年過三十不肯婚楊子信是甘貧者  
潭邊種菜纔盈把書出灌園夜讀書嚴親督過不少假  
此事在古未爲奇稱向時人人不知君不見吾鄉爭與  
二子友但言二子能賦詩

和方有懷孤鴛鴦詩四首

微禽幸脫網羅中敢羨雙飛恨在櫳君是合歡牀上客  
祇應持贈獨眠翁

十首詩成盡可憐憐他隻影小窗前也知嶺外歸來客  
獨宿松間十七年



此生交頸夢難成  
媿煞人間伉儷情  
喚作鴛鴦單不得  
時時顧影怕呼名

吟君詩句斷人腸  
底爲鴛鴦苦悼亡  
玉鏡臺前吟不得  
防他聞著暗心傷

寄藥地無可師五十

風勁知歲晚水落知天寒  
居人篝火坐各各掩其關  
言念藥地翁一身栖廩山  
廩山在何所草屋八九間  
江右土氣薄況經兵烽殘  
緼袍豈不冷粗糲寧可餐  
又聞終歲病鬚髯不復斑  
豈無徒與侶枯澹恐無歡  
念此不能往喟焉摧心肝

惟彼藥地翁今年正五十一  
十載參學功茲事應已畢  
何不放牛行聽其自出入  
無事經卷間窮年尚汲汲  
我讀義文書不從書中得  
大易本在人日用誰能測  
一悟咸感旨損盡安排力  
苦爲習所持卽事難自必  
明歲亦知非念之心轉急

聞翁在藥地終日只讀書  
此事佛所禁翁意那得舒  
佛法制凡夫豈爲我設與  
我今但飲酒吟興亦不疎  
平生好此物到老不能除  
白謂醉吟時雜念無用鉏  
以此在世勢而心常得虛  
遠公亦有塿浮山自有廬  
翁倘能歸來我其從翁居  
翁醒我獨醉兩者樂焉如



田間詩集 卷七  
昔在庚寅歲同泊昭江船爲翁稱四十冠冕羅賓筵長  
歌聲忽悲轉眼十年前存者今幾人亡者良可憐如何  
我與翁又隔窮山巔翁其愛道體強飯以安眠五十爲  
始衰百骸空周旋譬如逆旅宅亦欲使完堅定知久當  
去得住且免遷知翁無所嗜亦不用學禪惟有一卷書  
可以終天年

### 北風行

玄冬十月北風久白日慘澹青天吼萬里枯蓬蔽空飛  
一川亂石平地走江頭老翁門不開舉家相對色如灰  
已憂屋上茅盡卷況乃堂前柱欲摧當風出手手指直

門欹繩爛縛不得門外往往拔大樹根斷株傾委牆側  
羣兒紛吹斧作薪欲起禁之老無力一村三日少人行  
耳畔唯聞摧折聲獨有南山松倔強半死猶與風力爭

### 輓李長者文若

昔我先君子抱道隱巖阿遠方爭就學里彥靡不羅翁  
也負英氣自請備四科雅志鄙章句微言聆頗多日把  
莊生文松間朗吟哦竊聞時輩笑聲益振林柯所居在  
菰蘆籬落向江沱熒熒麥與菜纍纍瓜與茄柴門帶高  
柳古屋纏薜蘿客至出麥飯村酒得微醅兼通儒釋理  
辨論若縣河有見必自是此病老不瘥兄弟事耕鑿門



內藹然和嗚呼喪亂來人事同逝波翁老而失子骨肉  
半消磨所種沙渚田崩卸成漩渦疆界旣以盡賦役徵  
乃苛此翁興不衰七十髻纔皤我自嶺外歸步履相經  
過夜淡談易理傳註痛詆訶當其得意時目中寧有他  
今春奄忽逝未聞久臥病翁爲學道人去來路不頗年  
紀近八旬不死欲如何所憐雙親柩暴露荒山坡所憐  
兩穉子未勝笠與蓑空有官家稅而無田中禾卹孤竊  
有志常恐竟蹉跎時于牆壁間誦翁呼吸歌

述懷

五月井水寒十月井水溫陰陽潛變易智者窺其根而

況氣候移一往不復存古人有陳迹每爲後世翻如何  
章甫儒猶守聖人言草木戀故株人心懷舊恩不如候  
旦鳥能知朝與昏大運旣以然吾道安足論人不可南  
有客授我書云自張子房其理本大易其術役陰陽十  
干甲迺遁六龍首則藏易爻稱帝乙遁甲義以彰八卦  
排九宮虛者爲中央中央數居五其色乃正黃神人避  
正位往往游其傍此義知者誰庶幾老與莊誰謂兵家  
言恐是養生方  
振衣忌太白濾水惡太清太清魚不樂太白賦易生舉  
世懷嫉妬焉能全令名賢者砥完節至人多累行成綺



事譏議伯陽不與爭後世原其毀焉知至人情  
揚雄性佚蕩劉向無威儀抱道空自樂誰能知其奇南  
國有曠士秉志類如斯其口不擇言其行迺無虧我欲  
從之學懼爲世所疑世情重色莊勸以少矜持此士還  
大笑爾胡教我欺去去勿復言吾不爲人師黃師入越  
靈烏長苦飢志士常苦貧人生何仁義惟知賄是親東  
鄰有戚施駮愚駮四鄰西舍有嬌女容華耀青春願言  
結歡好共知非等倫所重在金帛豈必重其人不見南  
郭子守道以終身兒女非不佳長大無昏姻恩不收知  
人生各有志所志各不違處者甘藜藿出者厭甘肥焉

能慕高尚而辭渴與飢顏公送酒錢元亮亦不揮未聞  
五侯鯖遂爲西山薇古人嚴一介此道今則微窮餓未  
卽死不如且掩扉

虞火戒突直防隄慎蟻穴世人重周旋彌縫慮其缺而  
我性狂愚言詞復疎拙如何謗毀來反以括囊獲忠告  
固見猜綢繆轉開隙中夜內自省不知愆所積不見道  
傍樹編籬得松柏不見庭中花種梅成荆棘世路苟如  
此存心復何益  
吾生固有分所貴能自知昨日饜梁肉今晨抱腹飢早  
時縱歡笑夕暮已生悲自審分正爾安敢踰其涯偃鼠



飲滿腹鷓鴣巢一枝豈不羨鷓鴣所賦各有空遠志諒  
不遂徒爲世所嗤

潘蜀藻邀同方爾從舒懷祝山如劉爾雅陳季

白潘彥升集石經齋卽席

潘岳閒居願不乖誅茅小構石經齋罷脩碧檻惟栽竹

特閉朱門改用柴詩卷敢爲慈母較蜀藻北堂詩集初成酒杯偏

喜故人偕談淡燭盡西風夜落葉蕭蕭暗滿階

見齊方壺關外書信有懷

覩君書札字如鴉遠自關東萬里賒病婦可憐長在榻

嬌兒猶怪不還家淡宵夢醒沙場月絕塞愁吟野戍花

聞道遼陽饒唱和新篇幾拍入清笳

冬夜方子山幼安田伯素伯孫小武小咸陳大

匡戴韓五左壯于峙匡集左武子齋論詩漫

示

敢矜風雅伯難處老纔知諸子才皆大吾鄉調不卑細

求五字法小構一篇詩吾鄉體好爲七言又一題輒得數首皆古人所絕少詩不如古

亦以近日詞壇盛居然作者誰

哭胡臨海子兌

之官頻聚首臨發覺心悲病勢人傳久除書客見疑見

目臨海見方扶輓至母尚倚閭思割俸編詩願同鄉更



仗誰子允擬指俸  
刻龍眠詩

偶飲城外小店諸子隨至漫成

野肆東門外軒窗面面幽偶然尋酒伴何意聚詞流小  
飲豪奴笑淡談店叟愁市人不敢入嵇阮在壚頭

聞陸漢東到金陵即回得姚六康凶問

昨歲江城聚嶺南二妙才如何三載別獨見陸生來客  
路潮陽遠公車白下回橋西訪舊宅應怪少人開余舊  
寓大

市橋西漢東  
曾過其處

吳拙存出示哭鑑在詩屬余序之因成一首

幾度哀吟調不成斷腸況是鵲鴿情作君小序無多字

一字書成哭一聲

冬至前一日峽山途中作

且勿憂天變今晨有薄霜客衰鬚苦凍驢瘦耳尤長山  
色凌冬紫雲情欲雪黃明朝猶在路那得養微陽

投宿峽山贈念何菴主

每叱溪邊寒遙憐竹色寒柴門藏路側精舍隱林端日  
在山中短天于閣上寬老師相識舊常借一宵安

圓通閣上冬至前  
一日

今日純陰夕一陽未有芽星凝疎竹見鹿過合山譁就  
火客談易移燈僧昏茶竹牀樓上冷多送衲衣遮



衲覆爐埋火毋妨襪被單香燈半夜換鐘梵五更寒火  
照驚鷓起僧來問客安行人籬外語大霧正漫漫

曝背

見說三竿上推窗甫下牀爐寒休更擁棉舊罷重裝日  
短午纔暖山溪南有陽負暄吾自適無夢獻君王

雪朝偶成

林雀不聞譁竹窗旋已曙攬衣啓柴門藹藹見積素孤  
煙弱不高野田微有路土畦高下白皓若宿羣鷺寒花  
裏不舒麥色萋以布何處一聲喧驚此山鳥去

田間詩集卷第七

田間詩集卷第八

江上集

辛丑

田園雜詩

夙昔慕躬耕所樂山澤居憂患驅我遠常恐此志虛十  
年一言歸舊宅已焚如嗟我昆與弟茅茨倚廢墟徘徊  
靡所栖還結田中廬結廬雖不廣牀席容有餘牀上何  
所有一二古人書熒熒陂上麥青青畦間蔬日入開我  
卷日出把我鋤

仲春邁時雨旣雨旋亦晴百草吐生意衆鳥喧新聲紛  
紛羣動出各各有其營孰是形骸具而懷安居情秉耒



田間詩集 卷八  
赴田皋叱牛出柴荆耒耜非素習用力多不精老農憫  
我拙解輓爲我耕教以駕馭法使我牛肯行置酒謝老  
農願言俟秋成

一春勤稼穡草木荒東園今晨始芟刈逝將除其根良  
苗常恐短惡草常苦繁腰斧伐荆棘用以衛籬藩荆棘  
傷我手淋漓手中痕手傷不足道籬弱何以存家人挈  
酒至滿斟在瓦盆勸我飲一醉頽然臥前軒前軒無人  
來春風開我門

雞鳴識夜旦鳥鳴識天時東皋人有聲我起毋乃遲攬  
衣出門早且復驅其兒黃犢初教成我鋤子則犁犁鋤  
豈不苦衣食道在茲道傍一老父顰蹙前致辭言兒筋  
力薄稼穡非所宜詩書雖不尊猶是祖父遺如何舍素  
業自甘辛苦爲多謝老父意此意君未知呼兒且飯牛  
吾去燒東菑

在昔江村田貧者纔數畝父老能力耕子弟無游手春  
秋聚比鄰半爲垂白叟泥飲不能歸往往臥路口自經  
喪亂來此會散已久今年更作社四鄰能來否社公猶  
有神鄰翁亦有後呼兒牧雞豚命媪釀新酒豈惟祖德  
存抑使風俗厚回頭語子孫世世毋相負

今晨放大牛水田調生犢穉子原上呼有客訪茅屋田



鳥噪正喧招手去何速念此爲誰歟有馬又有僕舍耕  
還入門廼是平生熟田潦濕我衣泥塗露我足且爲解  
襪襖易我揖讓服故人持不聽訝我未免俗呼兒出草  
堂敕廚炊脫粟我去送牛來今夜留客宿  
罵牛東皋上有客問我經我牛依田轉客亦隨我行請  
問大易旨此理不易聽乾卦冠潛龍遯世去其名奇門  
稱遁甲廼能役九星祇茲无首義可農亦可兵八卦周  
天轉六位以時成時哉不可背亦豈容將迎朝爲禘上  
客夕爲隴上耕斯義如轉圜指出子應聆顧客且安坐  
吾牛不肯停

東園有嘉樹開花照昏曉一爲葛藟縈遂使枝條槁枝  
條旣以盡葛藟縈未了我欲解其纏轆轉死相抱念此  
不能除斬斷乃爲好斬藤樹亦傷藤去樹以保今晨心  
目曠宿穢淨如掃樂哉嘉樹柯且復惜其老寄言種樹  
人此物去宜早

晨興理園圃有蟲齧我蔬根株旣傷損枝葉還蕭疎我  
心不忍殺棄之臨路隅棄已還復出此豈能盡除況且  
擾鄰畦彼蔬亦何辜念當護此生慨焉揮鋤鉏遂令害  
苗物戮盡無復餘借問好生人此義將焉如  
鄰舍有老叟念我終歲勞日中挈壺榼餉我于南皋釋



田間詩集 卷八 三  
未就草坐斟出盡濁醪老叟自喜飲三杯興亦豪縱談  
三國事大罵孫與曹呂蒙尤切齒恨不揮以刀惜哉諸  
葛亮六出計猶高身殞功不就言之氣鬱陶嗟此異代  
憤叟毋太牢騷

屋上春鳩鳴田家穀始播時雨催我還倚鋤檐前坐牧  
童去未歸雨聲聽漸大時雨豈不嘉所慮老牛餓自往  
喚牧童牽牛入闌臥我牛旣以來我鋤行須荷田疇及  
時治況復雨初過亦知冒雨寒爲農焉敢惰

盼盼水中蛙磬磬隴上烏土膏一以動各有口腹需田  
婦饁我飯承筐置路隅顛顛者誰子似是久餓夫問之  
不肯對但指形容枯我腹豈不枵畏其委溝渠撥飯與  
之食傾筐無復餘飯已長跪謝此恩漂母逾我實憫子  
飢寧爲千金圖揮之使速去毋用長者誣

春天不久晴衣垢及時澣身上何所著敝襦及衾短家  
人念我寒一杯爲斟滿酒滿不可多農事不可緩奮身  
田野間襟帶忽以散迺知四體勤無衣亦自暖君看狐  
貉溫轉使腰肢嬾

東家事詩書西舍勤稼穡本意在謀生所期各有得君  
看西舍翁男耕女能織娶婦旣以勤生子又得力焉知  
翁室豐今年大召客割雞秋極肥出酒濃如漆可憐東



家子終歲不飽食夜愁兒女啼晝愁租賦通天寒四壁  
空相見無顏色從此誠子孫決志耕不惑  
魯國有一士中年不蓄妻有酒惟孤斟有牀祇獨栖將  
旦候鷄鳴入夜聽烏啼三冬布衾單暖氣無一絲况復  
失中饋長苦渴與飢飢渴豈不苦所得良白知在世多  
不便去之甘如飴常恐懷其安一旦不肯離不離可柰  
何吾其無此迷

上士守其中下士勞其形晝作形以憊夕息神亦寧放  
身草間臥一臥不得醒豈惟舒我體亦以忘吾情春耕  
思有雨秋穫思有晴終年早潦憂常恐秋無成秋成聽

諸天而我胡營營我情豈忘歟庶無他妄生

人生會有盡行止非自由止亦不可趣行亦不可留如  
何柴桑叟汲汲爲此憂終年痛飲酒冀以忘其愁吾身  
聽物化化及事則休當其未化時焉能棄所謀有子亦  
須教有田亦望收天心于人事何息不周流我不離世  
間而願與天游焉能外親戚視之同聚漚乃知黃老書  
不如孔與周

汪瑤若寄訊云以三之日過田間遲之不至

聞君有約赴青山便  
叨茅齋桂樹間爲擬聯牀添竹榻  
早呼開徑掃柴關廚無兼味應相恕酒入新年或未慳



一日聞詩集  
一夜梅花開似雪可因興盡及門還

午睡三首

北窗隨意臥竟日少人來自把雙扉闔春風吹又開  
牀上書忘卷松風次第掀夢中聽乍醒似有客來翻  
貧居真樂處未許俗人知過午煎茶熟剛逢睡足時

雨窗

昏昏連野雨漠漠隔溪煙煙雨遮茅屋窗中有客眠

潛山道上雨過望雲中天柱峰

千峰迷失雨餘天忽向雲端覩岳蓮白滿虛空遮不到  
黛參霄漢望如縣危檣直出銀河上高髻平窺玉案前

莫是巨靈伸指起腰軀猶在雪堆眠

潛山道中送迦陵上人之越并寄翁山禪師

翁山吾畏友之子亦同流為赴祖庭約本受吾鄉浮山之請因成

天柱游萬山隨片笠一鉢入孤舟煩語祁園客吾心自

此休翁師方寓祁氏園

自潛山入太湖道中七首

望去峰尖雲裏見到來山色霧中看知無脚力穿雲霧  
空向青天倚杖歎

見說峰頭一水環最高頂上杳難攀居民不省稱天柱  
指與游人說萬山



三祖寺前多酒店僧家原爲住山開葷腥不入齋堂去  
專待燒香老嫗來以上潛山道中

溪回百折繞山遙  
梟梟橫空獨木橋  
一夜水來橋盡斷  
過溪直待漲全消

一道清流走白沙  
青杉翠竹有人家  
門前路斷應難到  
來往灘頭放釣槎

司空山亞皖公尊  
遙望牛頭一角存  
漸到山根看不見  
煙迷雨暗杏花村

以上太湖道上

積雨連朝溪路漫  
奔流壞棧過山難  
道傍借問先生宅  
直上銀河三角灘

訪聶比玉

### 太湖聶比玉山居

司空山後一村偏  
我友誅茅十八年  
繞澗離離生藥草  
穿階活活引流泉  
路隨灘沒朝尋渡  
牀厭溪喧夜攪眠  
坐久不知檐溜歇  
瓦盆濁酒共陶然

一溪曲折入花源  
冒雨衝泥直到門  
炊飯無人輪子婦  
采薇供客走兒孫  
草茅遮斷沿山路  
燈火微明隔水村  
悲喜半生談不盡  
牀頭已罄積年尊

爲避風塵到此間  
筆耕未許暮年間  
路逢野客多酬酢  
門對溪翁數往還  
稅急吏頻披草徑  
人稀虎竟破柴關  
細看天意今將轉  
好辦移家早出山



白鹿坪贈寶惜菴主

烏雲巖下虎聲驕  
白鹿坪前斷采樵  
虧煞四山風雨夜  
跛師來結小團瓢

山根有客裹胡麻  
遠餉闍黎不在家  
獨有壞衣縣樹上  
草間揮汗自鉏茶

山前山後絕人煙  
每爇爐灰火自然  
昨歲雪中香忽滅  
罷炊忍餓過新年

一徑荒荒入草萊  
佛堂燈在竹門開  
游人吹火燒茶熟  
日暮山根負朶來

穀雨過來又一旬  
家家祀竈焙茶新  
明朝赴請前峰去

盡把茶山託與人

腰斧穿雲獨自行  
空山無伴響丁丁  
枯株倒向溪邊爛  
留待明年木耳生

市虎謠

東門城外人煙簇  
有虎直上人家屋  
虎騎屋脊不敢下  
通街小兒攢虎罵  
爭言野獸近城來  
城外今年防火災  
或言此物傷人多  
貫滿自來投網羅  
須臾斃之分其肉  
留取虎皮及虎骨  
皮骨公除送入官  
官親檢過恐不完  
府裏軍門官最大  
此皮合送軍門坐  
村中只道縣有虎  
那知皮骨盡入府



文洲行

今年有官來文洲千金之產充洲頭稅加十倍出散戶  
散戶逃亡洲頭補洲已崩去稅在身富賣山田貧賣女  
村人訛傳官如虎洲頭那當鞭撻苦情願破產共輸金  
求官勿來官不許官通算法善開方到洲升合無敢藏  
誰者傳此勾股術使我洲頭家家哭

燕巢行

燕子飛來繞人屋屋裏檐前看不足幾回尋得屋可栖  
却向春田銜新泥春來雨多泥嫌濕燕子巢成梁上立  
傷人相賀燕有巢豈知心爲黃口勞黃口在巢燕飛去

時時得食銜來哺長得雛成能學飛燕子辭巢何處歸  
丁寧向雛如有訴明年記取舊巢處明年雛燕堂前見  
人猶認是銜泥燕舊燕營巢新燕補勿負巢邊燕子語

打旗船行

江頭畧師老長年開帆遠避東人船東人掠船禍猶可  
目睛一瞬能殺我近來綠林計更奇小船盡打王子旗  
銀鎗鎖頸貫兩肘上船喝人人拱手君不見江頭有盜  
捕入城都是昨日打旗船上兵

老驢行

老翁住山出無車來往惟乘長耳驢往昔爲驢今爲蹇



村前村後去不遠遠去十里輒傷蹄有時天陰陷在泥  
卽今收放復誰管驢耳雖長尾漸短夜半槽邊聞驢鳴  
誰其起者白頭兄可憐驢老爲人棄獨有老兄把火喂  
老兄喂驢不自騎與兒騎去嫌驢遲驢歸遲兮兄起早  
牽在雨中食細草

### 捕匠行

今年江南大造船官捕工匠吏取錢吏人下鄉惡顏色  
不道捕匠如捕賊事關軍務誰敢藏搜出斧鑿同賊賊  
十人捕去九人死終朝鎚斲立在水自腰以下盡生蛆  
皮鞭亂揮不少紆官有良心無法救掩鼻但嫌死尸臭  
昨日小匠纔新婚遠去寧顧結髮恩晝被鞭撻夜上鎖  
早賣新婦來救我

### 夢仲馭

恍惚南園路平生迹似稀夢中蹊徑異昔映窗猶藥碗見客舊  
麻衣言笑居然是門庭大半非十年不盡淚重向五更  
揮余十年前哭仲馭有詩皆載前集

### 宿輔仁館夜起示楊得之童穉公期公

何處鐘聲報耳邊起來行坐月當天諸君未見清宵好  
只怪吟詩夜不眠

### 上祖妣孫空人塚

吾宗一綫衍自空人瞻拜松楸詩以繼泣



有衍其澤有隆其丘鬱鬱者墓佳氣載浮哀我空人掩  
此一坏言念罔極雪涕橫流

嗟嗟先祖執法惟肅厥罪伊何罹茲冤酷呱呱二女從  
母也哭維今之蕃芘于母腹

皇赫斯怒詔諸婦前謂死與適聽所擇焉哀我空人之  
死靡遷天心式格曰孫也賢迺叱諸婦遠配于邊

迺詔空人往裹其尸攜女扶輓馳驛以歸皇皇典禮申  
命有司空人歸來天下稱之

天祚忠貞誕生處士錢也得男惟通邑喜教育成之克  
紹厥祀子孫繩繩於其伊始

嗟我處士生不識父繫十三支系茲一縷子姓則繁母  
氏勞苦靜言思之泣血如雨

述井德 飲水思源遺澤斯在 敬述四章以示後人

有石者井于宅之東朝斯夕斯以養不窮門百其口惟  
井是供誰其貽之曰司寇公

於惟司寇家聲有赫同支實繁競趨其熱矯矯先祖如  
泉斯冽貽茲井闌以況貞潔

井闌之來于山之陽彼誰者宅墟址就荒蒙籠荆棘翳  
彼道傷善人遷焉厥澤以長

天道無常惟德斯久我飲于井無譽無咎嗟司寇公遺



日開詩集 卷八  
蹟未朽丘墓將傾子孫不守尚慎旃哉歌以垂後

漫述口號

江村地僻少逢迎自分長貧過此生安命豈真關道力  
求人何處有交情穉孫教得留書種窮子能專事筆耕  
口腹所需于世少算來無事可經營

近來稍覺費躊躇為祀先人勉構廬長點香燈供木主  
漸謀梨棗刻遺書家規成付諸孫守祠屋分同仲子居  
此事未完心不了且隨緣去看何如

松樹歎

偃蓋虬枝近百年長筵佳氣護高阡可憐葱鬱一朝盡

伐與官家造戰船

淺松茂柏鬼神栖車蓋亭亭遠近齊自是人間官法重  
那能復顧夜臺啼

空山伐木響丁丁說造舟裝下海兵怪得山靈留不住  
樹頭夜夜有潮聲

高標勁節入雲孤不受秦封五大夫用汝作舟期破浪  
貞心還可濟川無

留松詞

隔嶺蒼松大蔽牛工師肯向小山求常時怪爾無材具  
不是無材那得留



根株已分斧斤摧豈意全生賴不才料汝終無舟楫用  
從今偃蹇傲山隈

感懷

柴門斜枕大江濱吳楚煙波此地分閣外久疎鴻雁影  
灘頭長狎白鷗羣故人消息多年絕南國存亡迴不聞  
回首虞君巡狩處九疑遮隔萬重雲

自辭嶺嶠臥江湖老病驚心歲月徂萬里瘴煙迷紫極  
十年風雨泣蒼梧星移絕塞流光遠日挂荒山返照孤  
借問西征元帥府底須追逼盡天隅

亂去風波行路難此身只合老漁竿已聞移檄裁滇餉  
時報降書受漢官宋主海中還正朔晉家江左說偏安  
艱難萬里蠻荒外實錄誰編與後看

盤江西去瘴雲昏絕域朝廷豈尚尊事去久聞天柱折  
眼縣虛指帝星存專征大帥爭輸款特典孤臣未報恩  
試向日南還悵望北風吹雨滿乾坤

澤畔終朝祇自吟吞聲幾度不成音君臣雖遠寧逃義  
師友云亡敢負心野老也知天意去癡腸豈必國恩深  
卽今浪說崖門破誰抱龍顛入海沈

自識天心有廢興漢家圖曆杳無徵總戎棄主真難料  
屬國匡王豈足憑野史尚稱十六載舊人惟見兩三僧



張瞿殞後山陰死却憶同朝淚滿膺

彭躬菴過訪田間

垂老營一室累載費拮据短衣雜傭作手足皆泥塗客  
從遠方來遙問田間廬馱負何纍纍滿簾圖與書家人  
驚所見知此爲誰與心疑是斯人相見果不誣相識雖  
非故相思廿年餘人生志氣合豈在密與疎自余處窮  
僻言笑鬱不舒何意今夕聚縱談無所拘釀酒雖非嘉  
不用市中沽盤餐亦以儉猶有蟹與魚惜哉子不飲我  
自盡此壺子行數十里幾人爲吾徒世間無奇才吾道  
已矣夫五十以學易爾我倏已逾我有一丘壑而恆苦

索居中年亦有見習氣厚難除遠媿藥地翁毅然事浮  
屠我守先子訓黽勉學爲儒所恨氣力弱無人能起余  
良朋眇天末誰言德不孤子在巖穴間獲與親友俱夕  
則攻諷詠晝則耕犁鉏此樂可忘死桃源焉得如致意  
曾止山遠游胡爲乎誨我藥石言我豈冥然愚所恃命  
在天毋事多憂虞明年春水發能同東來無茅茨治己  
就晨夕聊可娛吾生寡歡趣得意惟區區焉能舍徒侶  
而往逃空虛來當共講席勿令歲月徂

贈淳安宗丈朝卿文卿二子

有客尋源縱水濱江頭失路問亡親

二子失路因一  
問先人始知



里外同宗諡三十年前合譜人門閱屢經烽火變家聲  
不逐市朝新融堂易學吾能繼祠墓何時謁後塵

命子詩

兒于瀆祖倏焉三十榮名無望學行未成先世之業恆恐中墜閱其多難勗以

前脩今我不述後何聞哉

悠悠錢祖肇封彭城舍竹得姓孚公以興渡江之後奕

世有聲遷於安國惟王挺生

桓桓武肅奄有吳越射潮之氣海若為奪廼念民命臣

節罔闕子孫百世王澤未竭

武肅王

惟王之國傳于有功推讓文穆內外僉同王既襲位守

禮益恭係我黎民帝命以降

文穆王

再傳忠懿臣服于宋靜宣來朝為天子重曰子方郊汝

其侍從納土之後清讌屢奉作牧歷陽惟德斯種皇皇

典文末由莊誦

靜宣公儼

大理乞郡出守新安無家可留將母于官公便其樸民

樂其寬解任不去爰居汝灘

大理丞隱之

五世之後再挺兩侯抗起徒步志滅國仇乃殲妖黨乃

創狂酋礪石之捷功大不酬退居蜀阜以優以游至於

文孫用揚厥休

侯孫融堂先生始克奏請

崇此爵號載諸春秋

惠濟侯

蜀阜之裔半登於朝融堂著述為諸儒標卓哉我祖詩

酒自豪輕舟泛宅至于江皋埋船定居卜此瀟漕

萬四公烈



元末倡義寔惟人傑龍戰于野雌雄誰決將軍知命歸  
于有德既膺世賞亦荷褒敕厥嗣司憲乃死于職遺腹  
繁衍空人之力 定遠將軍必壽

敬哉我祖罔替厥聲博覽羣籍躬耕豹城於皇仁考得  
氣惟英融堂絕學于茲再明遭時不仕迺赫其名

念我母氏生子勞苦同產五人我居其五兄弟雖才不  
及我父繫我也狂黨禍斯賈

我挈妻子逃之東吳同宗者賢推宅以居國事一去奮

捐其軀 謂家仲馭 汝母攜幼沈身太湖我殯諸寺往奔天隅

晝伏夜行達于行京漳浦之薦 黃石齋先生 士類以榮受知

冢宰 峽江曾二雲先生 作李延平奉檄于役國祚旋傾與汝相

失我陷于兵

困閩三年得間乃奔端州逢汝匪夢伊魂恭逢盛典策

士于軒拔置禁近承乏代言國步方艱膺此特恩

庚寅之秋得假西上桂林多材我未敢讓彼穎者張 江陵

張別山公 握手悲壯我行言旋東西交喪追攀莫由長號南

向

我之困矣載奔無路間道跋涉乃與禍遇謂汝且逃我

隨以去骨肉分散生死莫顧倖脫于羅與汝再聚

我負國恩客死無悔汝心思歸我無以解送汝還家井



巷未改汝母之柩儼然斯在惟汝之婦守志以待言結  
其襦鄰里歎駭歲月如流倏焉十載

追惟汝生于歲之終皇考心喜曰余得雄名以瀆祖庶  
其亢宗行年三十衣食弗充汝既抱子余亦稱翁言念  
汝母泣涕霑曾

汝母實賢殉節而死汝之念之無復仕理詩書之澤勿  
自汝止汝母求榮以俟厥子

戲贈飲客吟客各八首

偶與家兄弟小酌戲請  
飲客吟客各八人因贈

以詩

飲八客

頭白村翁臥路隅有兒能負有孫扶莫嫌老去朝朝醉  
不是豐年得醉無

村翁

日落漁翁不下釣賣魚取醉臥船頭鄰幫開動頻相喚  
喚醒撐篙網未收

漁翁

佛前日醉兩三場莫笑山僧是酒狂醉裏觀心無一事  
看人妄想坐禪牀

僧

黃冠道士酒腸寬也不言飢也不寒古廟雪深伸脚臥  
自稱身服大還丹

道士

縱博攤蒲夜不眠千場輸盡滿腰纏醉來膽氣飽豪甚  
一擲收還百萬錢

博徒



邊人一醉臥沙場滿耳淒風滿面霜夢裏不知身中酒  
只疑天暖似家鄉

征人

赤脚鶉衣雪裏行乞來殘酒卽時傾草堆一夜齁齁睡  
多少朱門醒到明

乞人

新插青帘挂酒壺時嘗一瓊看佳無興來且盡牀頭甕  
不管人家沽不沽

賣酒翁

### 吟八客

猿臂將軍鶴髮翁老來入社調偏工饒君馬上矜無敵  
不及詞壇得意雄

老將

絲管拋來鏡少窺筆牀硯匣不曾離看他詩興花前少

多在傷秋臥病時

老妓

七尺單前坐已非口頭拈出盡禪機請看近日能詩者  
何處宗師不付衣

禪僧

道士平生識字疎自言能詠未能書口占特倩旁人寫  
多少詞宗和不如

村道士

街頭有客不知名雜在傭中過此生時向夜淡吟一首  
旁人聽去又吞聲

逋客

客游無奈旅愁何偏是愁中好句多若使臨邛能好客  
集成那得有悲歌

游客

怪得年來女道尊大家才子在閨門蠻牋慣寫香奩體



錦字時存粉甲痕

閨人

燒符請得到人間，倡和經旬不肯還。却說古今詞賦客，

天曹列在散仙班。

此仙

### 看花十首

最愛花枝映水邊，照來花影倍增妍。朱顏小婦新妝就，

明鏡臺前越可憐。

水中

分明鏡裏有春風，引手攀花鏡本空。不似月中丹桂影，

尚留根在廣寒宮。

鏡中

膽餅新插朶離離，莫笑無根但有枝。檢點樹頭開及落，

與他爭較不多時。

餅中

漫道燈前色較殷，含嬌含態有無間。應同金屋珠簾卷，

一片清光映玉顏。

燈前

盡日尋春花裏藏，折花端合獻空王。靈山會上傳何事，

驀地拈來笑一場。

佛前

著雨花枝最有姿，嬌柔無力倩扶持。也知雨欲催花去，

引得人憐在此時。

雨中

旅況經春恨未消，偶然失笑在花朝。笑他不戀枝頭住，

也逐東風處處飄。

客中

亂來忘却已交春，怪得山花次第新。辜負東風勤著力，

世間未有看花人。

亂中



聽說春光欲起看倩人扶著倚闌干勸花莫恃精神好  
也怕風吹雨打殘

病中

每日花前飲一壺半酣看去眼模糊莫矜艷色欺人老  
醉後朱顏賽得無

醉中

### 看月十首

夜靜江澄匹練鋪篷窗開處月輪孤卽疑龍女淡宵出  
來戲波心一顆珠

江上

露白煙銷欲夜天冰輪却向馬頭圓此時見月惟行客  
一路人家盡早眠

馬上

夜長推枕轉身頻入帳穿帷月色新應是姮娥眠不著

潛來窺伺不眠人

枕上

松間明月最銷魂細影疎痕映板門一派潮聲風攪亂  
還疑初出浪中翻

松間

參差竹箇翠交加影落虛庭迴不遮一片空明疑積水  
水中藻荇任橫斜

竹間

萬蕊千條屋角邊梢頭忽見一輪圓黃昏時節無人到  
翠羽嘈嘈滿樹煙

梅間

蒲團宴坐在雙林灰死香消夜色淡惟有法堂孤月上  
清光如鏡照禪心

定中

清宵見月幾含情似爲愁人故故明應是夜淡纔皎潔



不愁不坐二三更愁中

積素揚輝通夜照月光雪色一般清若非移上闌干影

地底平鋪辨不明雪後

舞席歌筵徹夜開當頭幾見月徘徊清光不逐豪華散

歌舞完時上砌來席散後

田間詩集卷第八

田間詩集卷第九

江上集辛丑

送僧之浮山訪隱

有僧新從剡溪還拄杖揖我遊浮山浮山別來三十載  
爾去不得同躋攀當時游屐殊草草到今無詩亦自好  
石上題者誰敢工爾到山中細搜討巖壑玲瓏鑿不成  
拄杖卓地鏗有聲遠公碁局千年在未分一著誰分明  
汝縱明得向誰語勸汝莫搥上堂鼓如今道場那得興  
權在居士不在僧如今禪師入院苦拂子沿門求山主  
華嚴寺中有堂頭衣鉢費盡僧始留佛法之壞至於此



爾輩出世亦足羞浮山可遊不可住知君饒有山水趣  
九帶堂前一茅屋差可擁爐煨黃獨

寒暄篇贈方還山六十初度

世事反覆誰能測爾我變態一何極足迹平分半天涯  
我在極南子極北子昔六月猶畏寒炊飯見風不敢餐  
宦居邊地豈不冷起處頻年何太安我生與子太殊絕  
性如吳牛恆苦熱荔枝飽食瘴飽經何曾憶著江南雪  
皇天教育不肯言彼此互換淡意存寒暄鍛鍊豈無故  
從此空知造化恩兩人百折皆不死閱盡風波始返里  
我髮已禿惟留鬚子身轉健但少齒我年五十子六旬

所傷在老不在貧風流莫憶過江事眼前壇坫存幾人  
卽今生計復何有惟有賦詩還飲酒惜哉子非高陽徒  
但有酒熟來相呼

從兄叔穎六十

河渚桑陰覆草廬吾兄躬稼此中居開荒原外春調犢  
看水田邊夜荷鋤堤決空憐栖畝稻潮來還望上層魚  
卽今初度無新釀麥酒能沽亦醉余

向來迹此河濱不以滄桑慕隱淪生計拙因黃口衆  
世情愁在白頭貧歲時置酒招羣從風雨攜筐餉老親  
兒女債多婚嫁積何年纔是自由身



九龍菴卽事

竹色松聲引路迂，蹇驢衝暑破藤蕪。  
天邊雨過堆藍出，檻外江晴匹練鋪。  
半日見帆移岸否，終年隔浦識山無。  
不知犬臥緣何吠，似有攀巖采藥徒。

夜坐示冰令怒飛二何生

日落荒祠暮色深，兩行竹柏碧沈沈。  
野煙忽合江無影，細雨纔聞磬有音。  
犬吠彷徨何所見，螢飛來去似相尋。  
端居不用臨書卷，正好隨時看此心。

樟樹行

東鄉有樹陰滿屋，土人相傳千歲木。  
樹根香火祀爲神，折動一枝輒損人。

官裏今年要樟樹，搜尋徧邑纔得遇。  
官命伐樹誰敢爭，樹根旣倒屋亦傾。  
百夫牽挽不肯去，黃禾滿田踐成路。  
樹老心空用不得，至今棄在官路側。

綠林豪

江頭來往綠林豪，弓箭在手刀在腰。  
門裏劫商門外坐，捕捉公人當面過。  
殺人打貨上船行，人人知是食糧兵。  
箭籛分明記名姓，官府朦朧不許向。  
君不見西家被劫報官知，合門拷掠血淋漓。

贈園居老僧

上人勤梵行，助我住山情。  
每夜三更醒，遙聞磬一聲。



耕種惟三畝經年不出村自裝金相畢還欲改山門

新秋宿何氏山居酬玉成公度

小澗橫橋獨木危故人相逐蹇驢遲雞栖桑柘通村放  
稻熟溝塍滿路垂兩姓現存三世好雙星況是一年期

是夜七夕老來兄弟難頻聚薄俗逢迎那得知

相距衡茅數里程偶來信宿主人情年豐穀賤田家窘  
市遠農忙野店爭藥酒試嘗容易醉池鮮買得即時烹  
炎天門戶通宵啓可似吾廬犬不驚

老屋山根數百年<sub>時</sub>炊攢合一村煙秋收驢向空田放  
日午牛依大樹眠口絕雌黃聊避世星憑太白自經天

時有此異高阡巨宅多佳氣我愛松陰處處圓

松聲驟止色蒼蒼一片陰雲覆草堂雨過移牀無不漏  
風來開幔未全涼衣衫濕處梧桐滴枕簟清時茉莉香  
最喜菊花生意轉休煩澆灌野人忙

聞方君則避暑何克上池館小詩嘲問并寄克

擬候雙星共嘯歌七夕公度約同集不至寒驢還報滯山阿方干

題詠應將徧何氏園林不厭過得意事防兒輩覺談心  
話屬少年多老頑有興思關入其柰炎蒸隔嶺何

秋村八課



今年秋較稔隴稻一時黃得暇先完廩占晴早築場雞  
豚開柵喜婦子合村忙即擬輸官稅寧期卒歲糧 穫稻

新酒通村熟吾家釀屢催撇嘗頻就甕看煮自持杯到  
手能無醉封頭誓不開菊花久嘗好留待故人來 釀酒

月黑江頭火村中捕蟹歸綠沙籠炬密上水結罾稀筐  
以經霜滿螯知食稻肥久拚持殺戒為爾願還違 捕蟹

山人傳善本栽法乞僧家何必種求異且圖籬有花色  
中黃白正藥裏白為嘉老去希明日寧愁霧早遮 移菊

青青原上架采摘不時需祇怪籬先弱寧知蔓早枯花  
稀空見借用盡若為扶遲暮應相棄毋勞歎老夫 除架

秋山不可埽秋葉埽還吹路沒人行少林深犬過知豈

惟除竹徑亦以佐薪炊吾意紅堪惜堆來寫近詩 埽葉

農隙爭乘屋秋晴趁好天葉紅堆處爛蘿碧補時牽免  
濕齋廚火期安雨夜眠家人思換瓦此志慰何年 葺茅

門扉向夕掩燈火入秋清篋裏藏團扇牆根覓短檠雨  
窗挑穉暗涼壁照蛩鳴老去難淡坐空慙永夜明 篝燈

秋村八聲

江南秋未半已覺雁紛紛沙渚誰驚陣關河乍失羣排  
空天欲暮叫月夜初分惟有羈愁客樓頭最早聞 雁聲

蟋蟀聲難斷千秋此夜淡漸于牀下語合在壁間尋處



處愁人耳年年旅客心天機依物候豈是爾能吟

蛩聲

秋蟬嘶漸弱惟覺晚來悲遠樹初吟處前村欲歇時意

侵寒露怯聲送夕陽遲合抱枯枝死淒涼更聒誰

蟬聲

墜響空階靜辭柯一葉乾無風吹地走不雨打簾寒已

覺埽堪惜還憐踏欲殘掩門深坐聽山路正漫漫

葉聲

今年寒似早已聽擣衣聲塞上何時寄閨中此夜情拂

砧心子細調杵恨分明空感居人耳征夫迴未驚

砧聲

江田收穫少所喜確初喧杵急雨中屋春疎月黑村聽

宐于夜靜聲只在籬根燈火依微處人家已閉門

春聲

農事經秋少婦功入夜新繰車聽去慢絡緯語來親分

照溪同伴聞聲和隔鄰莫愁膏火盡自有代然薪

紡車聲

何處書聲好茅齋秋夜淡煙高孤鶴語月澹一琴吟自

向靜中聽焉知讀者心不拘誰子弟吾只喜清音

讀書聲

雞將雛

田家養雞秋不收時時鼓翅土中搜土中何有時搜得

擲向雛前看雛拾蚯蚓啄出雛且驚銜去故引雛來爭

可憐粒粒送黃口齧距雖勤咽得否天寒柵壞雨中伏

喔喔呼雛腋下宿蒼鷹欲下雛亂藏護雛與鬪為鷹傷

雛漸長成東西去母子相遭不相顧母心戀雛逐不休

被雛啄傷始回頭



空倉雀

空倉雀何不在空倉住朝朝飛上田頭樹田頭樹多  
站滿枝東西跳踉偷眼窺禾穉乾死稻無粒汝縱下田  
不得食滿地蓬蒿亦生子何不飛入蓬蒿裏覷我穀種  
曬場邊食之荒我明年田稗子持竿滿場逐飛飛又上  
人家屋屋欲穿天且雨今年無草何以補官倉自有雀  
鼠糧何難飽食充汝腸空倉雀不如但學倉中鼠日竊  
官粟誰詈汝

捉捕行

鷹能捉犬能捕年年射獵城南路高下隨人不暫離共

上中山擊狐兔中山兔盡狐夜驚卽防蹴踏塚穴平祇  
言狐兔不日絕那知鷹犬自相爭犬背主恩掉尾去反  
面還爲狐狸護從此鷹拳勇莫施高墳大宅公然住昔  
時逐兔犬常肥今隨狐狸終歲飢回首蒼鷹不得志猶  
在天邊側翅飛

泣象行

雲南象來舉國嘻纏頭赤脚蠻子騎云是粵東新戰獲  
道出江楚北歸旗還遵前朝加品秩照品給俸沿途支  
大開城門容象進獨有一象不肯隨印官當街再拜請  
象奴附耳前致詞先言禮節勞縣主後言官職如前時



去南日遠北日近此是本國知不知象聞此言淚雙垂  
淋漓滿路觀者悲語象且勿悲汝來粵東五千里卽今  
放歸歸已遲我聞西有獨牙象摧堅陷陣功尤奇昨日  
被執不肯屈掘坑縱火焚其屍汝輩不戰復不死中道  
涕泣將何爲

### 癡羊行

昔聞龍女牧雨工散地食草與羊同山邊有羊非凡種  
呼作雨工雙目竦土人致禮爭求觀竹枝灑鹽恣飽餐  
天旱迎羊往祈雨羊登雨壇亂搥鼓鼓聲驚起虎來爭  
癡羊屈膝哀且鳴隨虎還山人虎穴早晚只是虎口血

羊非雨工心自知土人無識空相疑土人自癡羊不癡

### 縱目

清秋閒縱目時復過東臬潮上溪流轉注明水面高遠  
帆疑不動淡夜似聞號小艇乘風進舟人豈用操

中秋前一日過何克上蓮溪同君則及家兄作  
記別園林八九年茅亭添蓋小池邊芰荷香裏三更坐  
蟋蟀聲中半醉眠繞院吟詩迷夜氣隔牆打稻趁風天  
月輪已定明朝望似爲同人故早圓

山田糯熟酒新芻老友邀同信宿留竹徑陰森疑礙月  
藥闌淡淡自成秋青苔階面眠黃耳紅燭尊前對白頭



最喜芙蓉香不歇猶殘碧葉滿清溝

同仲兄過玉伯兄莊家

茅屋依山花亂栽老兄策杖偶同來  
閒拋馴鴿隨鳩婦特背家雞餒雉媒  
菊怕蟲傷求藥治禾因雨久上場堆  
籬間野色兼紅紫并作秋光爛熳開

歎老

豈意吾真老近來始自疑怪他年少輩行樂不教知  
祇是三年內人驚老態多中心雖不服其柰白鬚何

有感

吾家逢朔望祖廟禮無違不及十年內頭班漸漸稀

小築東果菴兄乞石礎口號

小築依山麓經營基始平煩君致石礪爲我奠松楸  
木功全賴棟梁任不輕異時占礎潤風雨憶君情

微雪

昨夜風如此能無一寸凍積陰凝北戶輕素抹高林晝  
短日光薄家貧寒氣侵梅花消息早也索杖藜尋

冬夜不寐

酒醒夜纔半爐埋火漸微嚴霜欺襖被缺月瞰門扉  
世界天寒靜人家歲暮稀遙遙聞犬吠多是納糧歸  
似是今宵冷新泥草舍溫雁聲疑帶箭虎迹直侵門夢



怪空林響醒挑稊子言鄰雞啼隱隱尚隔幾家村

雞鳴

冬已過半夜偏長愁人不眠獨在牀寒雞擁翰不肯叫  
老鷓得氣山頭嘯山頭有虎伺人行俚鬼騎虎學雞鳴  
雞在牆根鼓兩翅欲鳴不鳴時未至村南村北聞犬喧  
雞未三唱勿出門窗前山鬼太無賴低頭樹下學人拜  
遙遙古寺打鐘聲一聲一拜聲聲驚雞鳴一聲天下白  
千狀萬態從此滅

鳥栖曲

庭前樹鳥夜栖何事夜夜枝上啼一夜不啼樹初靜上

枝下枝栖不定勸鳥但栖勿復疑樹枝雖短無人窺秦  
家樓前桂樹好小兒擲彈何草草城頭老鷓爭栖鳴鳥  
栖獨樹鷓不爭鳥子八九東西去安能共鳥一樹住如  
今返哺事已稀有巢應待鳥子歸鳥得一枝栖已足我  
在窗中伴鳥宿

孤雁篇

北風吹雁孤飛遲日暮失羣鳴且悲羽翮顛顛天涯遠  
同侶被傷身獨免往時塞上矰繳多如今江湖徧網羅  
網羅徧張飛不得茫茫四海難求食江空歲晚稻梁微  
水淺魚鰕處處肥漁人打魚不打鳥汝但飲啄毋驚擾



雲中時有征鴻聲聞之勿起翻飛情勸汝勿羨雲中翼  
雲中之禽身不測

梅花詩

自乘空山秀非由處士栽黃昏餘雀啣淡雪少人來嬾  
與芳非競聊于晚暮開道旁無識者翻謂被春催

山中花多

冬開

春信眇無緒荒煙空滿林偶然臨水見慙媿徧山尋也  
識冰霜意誰窺天地心歲寒同調少惟許老僧吟  
生意梢頭小枝條亦自嘉礙檐防翦折在野任橫斜  
角稀疎蕊籬間冷落花上林無處著只合老江涯

幽芳禁不得嚴冷最相當月澹餘清影霜濃覺暗香肯  
爲羌笛弄空想漢宮妝欲折誰堪寄休開驛路傍

離離壓殘雪脈脈照溪濱一任夜無月何妨天不春芳  
華憑俗賞風味與誰親祇覺閉門後徘徊似有人

北風吹不折兀傲小窗前弄影餘山鬼品香亞水仙好  
沽村酒醉合照道人眠楚客寒芳徧遺君世外傳

何代花纔著風人詠者稀不妨逃作卒寧取號爲妃夢  
亦尋高士魂應著縞衣時蒙野外訪半是凍僵歸

落葉殊無賴含苞今滿柯移根避煙火受命在巖阿豈  
必天寒好其如歲暮何輸他松樹老還覺此花多



何處花先放向南三兩村未春天似夢徹夜月無言且  
喜昏鴉散毋嫌翠羽喧衆芳久寂莫賴汝照乾坤  
風雨自吾分時逢此夜晴耐寒殊不苦著色總成清霜  
已凍無縫雪惟翻有聲俗人爭解惜應是慕虛名

田間草廬初成移居

結構三間小經營兩月多堂應延野老壁合挂漁蓑元  
亮柴桑宅堯夫安樂窩不知茅屋趣于此定如何  
門隴藏斗室開取向南窗牆壞遮憑樹山圍缺見江遠  
雞晨隱隱高雁夜雙雙擬作課孫塾餘年第一椿  
到處家頻棄故鄉初有廬差強于客舍大半似僧居店

近賒零酒河荒望小魚鑿頭藏壁後親種一畦蔬  
柴扉不擇向只對遠峰開日月當門出江山抱屋來入  
林惟少竹滿徑自生梅已訂牆東友求根密密栽  
草舍工纔畢貧家力已殫爲留樹不去遂使屋難寬吾  
臥且粗穩兄栖尚未安小廚嫌太逼幸自儉盤餐  
累旬傭土木衣敝屨頻穿開困無多米看囊剩幾錢未  
防冬事逼且得雨中眠祠宇規初定成應在隔年

月夜

孤月當門上清光徹夜寒遙知人境裏只有一僧看

田間雜詩



農事吾曾學園林況可栖  
犢需三社教田過九天犁雪  
少春無雨霜濃晴有泥  
麥苗先後種出已一時齊  
茅茨松竹裏編棘偶爲園  
水落旋成徑煙孤不入村  
老  
惟能讓事躁未免多言薄  
俗真難見吾生合閉門  
木落塘邊路終朝踏葉行  
昏鴉爭有故過雁急無聲  
吟  
苦渾忘老詩成豈爲名  
偶然得佳句似搆自前生  
近會居家法安貧豈是癡  
無燈眠太早借米飯常遲  
煖  
老無需玉調脾喜帶飢  
晚來圍被坐餽粥最相宜  
世法終難學時流不可親  
自知饒舌慣常觸用心人  
醉  
恐難頻恕交防太率真  
通身無俗骨只合守長貧

借問江村課冬來事未休  
因編籬罵犬爲護麥驅牛  
嘉  
樹尋人接好花用意謀  
茶鐺不斷火松子亦親收  
世界窮如此吾徒更可知  
兒愁催稅吏孫失授經師  
飯  
少煩春細糶寒勸起遲  
問年纔五十底事鬢成絲  
小構冬難畢籬疎且補柴  
過炊留犬飯減米打僧齋  
老  
矣粗堪遣安焉不敢懷  
似忘行脚苦又欲理苴鞋  
長夜不能寐多年祇獨栖  
心全爲易耗時復著詩迷  
鴟  
嘯常疑鬼兒啼直准雞  
放閒無別法惟有醉如泥  
自問田間老何如藥地翁  
無可早誅茅庇雨碎補衲遮  
風是事耽吟廢凡心一醉  
空讓君成苦行不必又雷同



入冬纔數九已動苦寒情霜重天將變風嚴晚欲晴羣  
鷗旋不下野鴨陣成聲聞說梅花綻前村冷怕行  
小港通江路到門祇見山客因迂道少身以背時閒藥  
物慵能損酒錢零易還生涯一字訣惟學子瞻慳  
一陽生幾日生意覺全微日短鈔書少村空問字稀帖  
天鷹漸沒困雨鴨知歸自向田間老毋勞辨是非  
野外閉門早窮冬似不寧夜長鑪火慢天黑壁燈青兒  
語嫗能省鼠行狸曾聽偶然思小飲已覆掌中餅  
江村無事叟世界不拘身老大惟防病交游厭說貧閒  
常如作客傲爲嬾求人時俗憑他假何妨獨任真

已辦開年酒安排不出門紙糊通屋暖衣覆半牀温醉  
後求壘汁饒來煮菜根親鈔工部律窗下課雛孫  
祇慮樵蘇乏須防雨雪霏婢遲捫蝨應僮冷捕魚歸夜  
坐看裝絮晝眠待浣衣一編詩過日徒倚只巖扉  
莫管兒孫事求安只此身荷衣耽著舊菜甲喜嘗新犬  
避常來客鴉馴久住人殷勤憐小豎殊不厭家貧  
炙背攤書坐人來藉杖興魚喧經過懶雛護側飛鷹晝  
暖眼生霧夜寒鬚有冰詩成多健忘落稿卽時登  
鹽光看將盡人情況逼年寒凝煙不起陰壯火難然犬  
怨廚荒坐貓貪席煖眠一裘思換布指望賣文錢



樂易堂落成

傷墓三間室還家十載情投閒非避世鍵戶且偷生身  
 老居空煖眼昏窗欲明西偏虛斗室住我白頭兄  
 清淨同僧舍吾名樂易堂義經為貝葉神主代空王粥  
 飯時鳴磬晨昏每炷香琉璃通夕點一樣佛燈光  
 尺寸經心出堂成未覺貧新泥牆不墜勤埽地無塵就  
 砌安茶竈邊廚作荒園歲荒難設酒粗飯待交親  
 頽垣空補築不許路經門梅信偏疑早松聲亦厭喧當  
 風開北戶看月在南軒檻外辛夷紫春來萬朶繁  
 戶外田須廢開池細引渠擬添臨水檻題作製荷居窪

淺多栽藕溝通好畜魚客來垂釣取亦可佐盤蔬

建祠通邑議經始廿餘年多士名應紀中丞額尚縣庚辰

先君子歿合邑士人請諸中丞鄭潛菴建特祠中丞扁曰君子儒宗遺書藏有室供祭稅

無田未敢私孫子惟求賢者傳

和諸生雪夜讀書

夜氣嚴寒雪後加苦吟猶在老夫家却防庭樹僵應折  
 且喜檐梅凍有花店閉難尋村酒貫窗疎好用荻簾遮  
 明朝試騁江天目粉白層層抹九華齋前可望九子山

哭仲兄湘之翁

不見吾兄久存亡迴欲迷孤兒謀食去寡女閉門啼竹



補常來徑蔬荒舊種畦安仁銜恤處今日與同栖  
斗室栖身處叩門日幾回詩成背客寫茶熟盼余來衣  
篋分都盡書箱鎖未開幾時不忍到雨滴一房苔  
頻歲風波惡行藏苦勸余也知兄漸老特構屋同居龕  
設將供主窗分擬讀書落成曾不入半壁至今虛

偶然作

未肯持齋戒何心出世氛在家難斷酒垂老賴茹葷妄  
想無時減訛言亦喜聞倘能真不礙僧俗可須分  
去歲灰堆裏無端忽破疑卽今心不死淡悔戒宜持痛  
處偏知護安焉詎肯離此中全了了只是自相欺

參禪難得力知是病根深熟處愛難割閒中鬧自尋未  
能終日醉猶賴逐時吟不信宗門老全無雜用心

後偶然作

靜夜觀心坐問渠觀者誰衆餐余亦飽魚樂客原知佛  
法惟言覺禪家每勸疑不勞相勘驗吾自得吾師

近得義文旨無心更學禪物情緣底滯天道看來圓路  
盡處偏轉薪窮時自傳騰騰吾任運不用燭幾先

大易咸爲感仲尼聖在時本無心足用寧有物能欺天  
地原由我鬼神更是誰點胷吾自信底事問人爲

一貧遂到骨得意向誰言始覺身心樂皆承患難恩厭



人談佛法肯自斷名根世界無窮事還憑妄想存  
百歲行將半吾寧誤此生是非誰檢點得失自分明世  
法隨緣去詩篇看興成眼前無一事何處可縈情

苦寒二首

凝寒看不見割面本無風應是虛空凍人居冰腹中  
氣化疑全滯凝陰塞兩間祇餘方寸地呼吸得迴環

雪朝

怪得鳥聲住開窗看雪飛今朝眠不起料是客來稀

寒夜讀書漫興

把卷不能寐爐存火一星古人書具在今夜客初醒孤

月指邊見震雷覺後聽六經吾注脚何意更談經

南華

南華吾熟讀世故老蒙莊怖死情偏切謀生心亦忙  
因無用大身爲好名藏攘臂支離裏何人窺短長

相應

鬚髮吾寧礙衣冠世共憎偶然欲免俗何意遂成僧問  
法人難賺傳經我亦能置身緇素裏無事不相應

來園雜詩

園中花樹不植自生  
周旋已久各贈二韻

己覺寒梅早枝條故故遮今朝檐際覓親見兩三花  
桂樹千年物叢生有六株小山盈十畝盡是落花鋪



日開詩集  
宅後松全秃多年老此峰祇愁雷雨夜一半去為龍  
桂樹月中種香濃白露天把杯吟一曲紅雪落翩翩  
橘柚經時摘青青日漸黃最憐人靜後無故忽然香  
冰姿原絕世底事學紅妝豔色春無限誰容汝擅場  
嫋嫋門前柳絲條拂地垂春風吹有意為我埽茅茨  
著色寧為豔輸香覺太濃是梅皆冷澹花譜冒同宗  
古杏村村見春煙樹樹籠怪他經雨白只在半開紅  
忽訝花如雪難禁一夜風熟時偷最早鳥雀與兒童  
小桃當戶映輕紅亦自嘉山人新接過還擬似朱砂  
爛熳荒山裏芳名孰與標漫誇西府豔一樣雨中嬌  
松 桂 丹 橘 梅 紅 柳 梅 蠟 杏 桃 櫻 桃 桃 樹 桃 海

棠即詩所  
謂杜也

素花真六出似與雪爭奇正在純陽月陰來報我知  
月下疑無色煙中薄有姿從來不結實誰賺路旁兒  
木筆花千朵把將芍藥看暗中開繼落一月不知殘  
素華零似霰驚起一庭鴉忽悟鳥鳴磻春山落桂花  
○王摩詰鳥鳴磻有人閒  
桂花落夜靜春山空句  
霏霏五月雪鬱鬱萬年枝雨水何須卜花開過始知  
○農家占花開盡  
則後無大雨水  
層層皺縠紋搖曳有清芬想見文君寡新妝白練裙  
榴 石



山茶何代樹豔色吐丹砂只得一枝在還開千朵花  
野色村頭賤何緣植禁中應憐名字好偶與帝星同  
滿院梧桐葉飄零早報秋免教深夜雨點滴到心頭  
堆盤香自妙入藥效尤殊世少瓊瑤報山人莫浪投  
春篁添數箇已覺筍行邊勢欲穿田下明年許廢田  
纖纖佛頂青燦燦僧欄紫發願蓮花生結胎應如此  
松

柿葉無通赤斑斕錦不如更憐枝似鐵屈曲未全舒  
老樹如車蓋交陰翠幾重此中堪構屋恰對九華峰  
手植新杉樹一年一節青孫枝根下起出土便亭亭

可憐烏桕樹不待曉風吹白滿枝頭粒留充鳥雀飢  
高樹秋深葉童童葆蓋黃把茅當頂破特為覆空王

籬落紛紛布朝華亦可觀要知容易落不使見衰殘  
五尺琅玕樹新縣辟火珠朱闌相映好原不倩他扶  
不信花為烏斑斑有血痕枝頭無語喚游子暗消魂

不是春花豔誰移野刺裁怪他無力起只要傍牆開  
盛夏當窗護炎威也似寬借他陰正好修竹漫相彈  
拔山徒有力無柰弱姿何不住臨階舞知余善楚歌



檻外辛夷盛開二首

凭軒兩樹紫辛夷二月花開不計枝  
朵朵擢空爭吐燄更無一瓣肯低垂

房如膩粉寧為白朶蘸臙脂不道紅一樹  
含苞千點火枝枝尖燄欲燒空

讀曲歌

嘲左眠樵

吳中出細布匹短幅大闊不中裁  
儂衫縫衣與郎著解一  
徧調耶孃傳小曲儂能度郎勿按拍板  
幾番教儂誤解二  
郎好白晝眠上牀推不醒  
旁人錯相疑只怪就儂寢解三

郎喜出門去望郎畏人知暗中布方局  
郎自不解期解四

郎性不飲酒雅好捉鼻吟蓮子種成藕  
絲絲有苦心解五

黃檗當門生為郎作籬落終日彈七絲  
聽取苦中樂解六

田間詩集卷第九



田間詩集卷第十

江上集 壬寅

過舍姪河上居

爲便躬耕構草堂柴門斜啓面湖光  
瓜棚陰與老農坐  
麥酒醅留諸父嘗早稻收供終歲飽  
晚荷翻動滿村香  
甘貧自是吾家法舊業詩書且勿忘

見新筍有感

瘦竹龍鍾三兩竿年年池上望檀欒  
今朝新筍盈林迸  
不見吾兄倚杖看

新移梅一株枯死弔之



壓樹堆枝白玉葩多方移自俗人家那知一片憐香意  
斷送牆頭萬朶花

雜詩

步出城西門荒堤何逶迤衰柳夾堤植上宿鴉與鴟路  
傷有古廟入門樞纍纍借問此何人云是義士尸寄此  
頗有年親戚不敢移中有慷慨士平昔心相知始志在  
捐軀臨危果不欺旅魄滯曠野冤魂當訴誰徘徊不能  
去愴惻傷肝脾

赫赫勢家子金錢甲城內宅後羅姬姜宅前羅冠蓋計  
較盡錙銖積斂死不悔一朝屠伯來人命恣斬艾心知  
富人名坐罪不肯貸身首殊西市田廬入官賣妻妾屬  
他人子女復誰在富人有何辜勿觀或稱快豈不善趨  
時多財成患害豐狐皮爲災巨象齒其罪所以明哲人  
棄此如草芥

我昔好交游結友皆豪賢意氣一相許歿身誓不讓自  
謂天下士盡可披心肝顧見游俠兒聲利方交歡南鄰  
笙竽沸北里鐘鼓喧富貴誓與其患難期無捐一朝時  
事異此義安可全有急來見投梟首縣諸竿念彼亡命  
人怒焉爲辛酸

昔有夸毗子自命頗不苟一旦處脂膏見利忘所守夜



半知者誰毋乃同門友始事不相欺臨危乃思負時勢  
既以變人命復何有豈不念舊恩志在滅其口危哉避  
仇人乘間脫身走燕丹顏色變焉保樊生首爲語世上  
兒勿恃交游厚

朝入城南門經過冠蓋里門扉日中閉烏雀檐下喜高  
樓旣以傾花榭亦以毀石筍青峨峨爭爲勢家徒問此  
爲誰居疇昔門如市隻手覆邦家海內不敢指國事一  
朝壞名敗身亦死炫赫曾幾時至今人切齒唯有霍家  
奴猶稱富人子

鬱鬱青槐巷中有壯麗居華棖耀金碧交窗結綺疏高  
樓臨大道艷色照通衢昔爲富人宅今爲丞相廬行人  
不敢過過者爲下車別去無幾時門巷忽荒蕪雙扉白  
晝鎖中有官物儲問之丞相歿得罪身被誅妻孥遠戍  
邊籍沒無復餘識時稱俊傑斯人計豈疎屈節以保身  
禍至還突如悵念平生交夷滅何歎與

北里有富室養女自云姝南鄰有貧女終歲閉門居顏  
色人不見但知手爪殊楚宮購重錦織作徧里閭富女  
名在官臨機空躊躇邀女入閨閣坐女以軒車請女當  
窗織一匹五丈餘織成獻后宮寵譽傾通都錦匹朝日  
成女情夕暮疎情疎不足道謠啄一何辜寄言謝北里



棄絕將焉如

攬衣忽不寐起步庭前楹秋螿扶戶叫聽之感我情萬  
物有至信候至此則鳴如何結友訖不如秋螿聲憶昔  
初相知一語要平生堅此歲寒約重以金石盟昨暮極  
繾綣今晨背我行有如急難至子安我則傾轉念疇昔  
言曾無一語誠傾家不足道此意殊難平

西風肅簷戶有雀鳴東箱鳴聲一何悲似爲異物傷我  
欲全此鳥搗藥裹其創織籠使之栖采花飼爲糧常恐  
鷲鳥害舉家爲隄防今晨開我籠刷羽忽飛揚飛飛願  
我語如訴積年腸疑我有他志久令籠中藏我不望汝

報汝行亦太涼努力從茲去有恩望汝忘

珍禽亦有種靈木亦有根如何霜霰加凋傷無一存道  
逢一少年云是勳戚孫甘爲市井誘棄絕父母思念其  
久飢渴聊復給糞殮與語無一實所見皆至昏諄諄勸  
其返掉臂還出門世曾苟如此已矣復何言

水村示羣從雜詩

青驢晴踏野田花雜樹陰濃小謝家短艇湖中初放鴨  
荒階草際已鳴蛙筍抽夜雨新梢銳柳挂春風弱線斜  
酒渴燈殘眠不得呼兒吹火再煎茶

示席之

二十年前此舊廬桑榆陰合幾家居遺經尚祕南華註



放學私鈔本草書尊寬隔鄰嘗過酒盤供小弟單來魚  
嗟君孀母吾丘嫂猶記靈均誕降初

示玉若

重脩宗譜一山情爲補茅齋特地迎母養缺因村館散  
兒書廢有水田耕知時不守儒生拙多藝羞成術士名  
怪爾傾家營葬父雙尖遙指是佳城

示長人

白版雙扉晝不關渚清洲碧盡回環膝邊兒寐春時困  
田上兄歸雨後閒向晚雞栖喧柵外合門煙暗壓林間  
茅廬礙眼須全撤自要巡檐看遠山

示庶長

水村卽事示諸從子

卜宅依先隴桑榆水上村牛多淡巷濘爨密晚煙屯野

渡遙通市疎籬不設門一房三百口強半是諸孫

節令看將近湖田未肯荒雨多防壞麥寒戀不成秧牛  
力侵晨猛人工迫夏忙家家兒采藕足濟半年糧

昔人分占地已是百年居力作纔堪過游閒少有餘水  
邊難恃稻田脚亦關魚吾意傳家法朝耕夜讀書

近水山都小穿湖路盡通帆低歸浦雨傘敵到家風門  
繡蒼苔澀堤號老樹空全家生活計都在森茫中

見說土膏動今晨人下田蒲抽三尺劔荷卷一溝錢買  
吏防增稅迎神特問年曆圖全不驗可是暮春天

小雨淹旬日新晴杖可扶山藍爲對岸井脈自前湖隔



水農相問栖田鳥暗呼破煙撐艇去半是白頭儒  
檐溜何時住春泥不肯乾子孫如此衆屋宇那能寬草  
澤收牛早秧田護鴨難衣棉脫更著早暮覺全寒  
天陰無早晚又見暮炊時狹路牛行讓開田鷺起遲山  
名方語誤水影釣船知眼前諸俗事盡可入新詩  
水村示從孫昆牧

過老鸛菴

野路通精舍山門對面疑客從林際下僧在竹間窺石

磴到須坐好房開始知師徒欣接待剛是焙茶時

過庭玉雍產村居卽事

牛屋重重架湖田面面青船成下水試網躡過山腥晝  
靜人皆出宵勤戶不扃移居凡幾代頓有百餘丁  
吾愛堤楊下家家繫小船一門工射鴨四季得烹鮮野  
茨堪充飯池蓮正值錢蕭條憐二子轉覺廢書賢  
一村皆可過生計在湖濱爨密居疑偏產多分亦貧荒  
原無棄地淡巷少閒人暗惜詩書種休令世澤泯

水村泛舟荷葉中過澗漕橋赴族弟飲

吾家合族居水涯家家有塘生荷花春來潮漫成一片



荷葉連天無闌遮水南宗人招我飲相邀只用舴艋艇  
湖面欲皺風泠泠山頭忽暗雨冥冥讀書穉子能撐篙  
往來嘯歌殊不勞芡盤雀鷁亦可惜回舟尚欲撲其巢  
此鄉之人習于水那知荷葉香如此羨煞小舟垂釣翁  
坐臥只在荷香裏風吹荷葉一時翻望見橋頭綠樹村  
咫尺雨來不得到有翁隔水候柴門

五月還江村卽景

長夏江村未寂寥莊家麥酒動相招湖田水足嫌多雨  
草閣宵寒怕長潮穉子采荷包雀卵居人下食引魚苗  
山邊早稻看將出屈指嘗新一月遙

柴門新縛豆棚寬來往行人坐此看荷葉值錢須護早  
麥仁炊飯覺春難流螢白晝潛瓜蒂水鳥清江乳芡盤  
時有農夫相問訊分將常膳與同餐

今春累月滯湖鄉歸日蓬蒿塞徑荒滿架蟲生趨曬藥  
一窗蛛網慢開房樹經手種私常看茶自僧分急要嘗  
便擬買船營水屋明年須試養魚方

蒼苔不埽地無塵槐柳陰中枕簟陳朝市共知今日熱  
閭閻豈獨此鄉貧倒乘牛背鴉欺豎久立魚梁鵝狎人  
向晚兒童泗水戲奉來菰菜及時新

江流面面繞孤村老友時招嬾出門攬鏡鬚驚連日白



註書眼在半年昏晨看露水晴偏濕夜驗星文熱最繁  
炎夏始知新法善數莖短髮賴全髡

懶慢今年倍昔年終朝行坐只溪邊渡頭風順歸漁艇  
江口潮通到米船詩興偶吟佳句動睡思長把佛書眠  
草蟲牆下聲聲醒不到秋深已可憐

暇日行田草自耘算來三夏已平分雞登高樹啼驚夢  
牛沒淤泥臥避蟲錯對少年談往事每逢遠客問新聞  
柴門極目江天迥忽起奇峰是火雲

新杉細竹逐時脩窗裏琴聲夜更幽炎月曬來顏亦黑  
南風吹久骨皆柔瓦疎入夏遭梅雨糧盡經旬接麥秋

却笑昨宵眠不熟雞雞放出未親收

報恩行

閱唐人小說偶見  
此事慨然紀之

君不見中山狼獵人追奔竄道傍老儒救其死反眼睚  
盱爪牙張攫取老儒充飢腸中山狼無足怪黃腰破鏡  
猶食母何況區區有恩輩君不聞長安賊曹掾夜半放  
死囚死囚爲官宰百里與掾相遇十日留大恩不報婦  
足聽持刀報恩如報仇掾聞此語汗交流躍馬逃奔喘  
不休下馬入店訴此故林下義士投刀怒我銜宰命專  
候君聞言始識爲宰誤語掾勿睡門且開須臾還取宰  
頭來頭血模糊掾認得報復頃刻何快哉嗚呼安得如



君義士徧九州手提七首天下遊專報世上不平事專  
取人間負心頭

夏日園居雜詩

其羨炎蒸日吾家萬樹中巷涼微有氣午熱轉因風睡  
賴看書引吟惟卽景工小船常入市河路幾時通  
竹間門不掩襪襪少相尋牛放污池臥蟬移遠樹吟忍  
飢看稻出耐暑喜苗淺獨有澆花客私懷望雨心  
竹窗無日色吾意欲移牀雨轉東頭散風霑北氣涼井  
寒思灑簟房濕勸焚香不是眠多徧寧知晝許長  
世事無吾分新聞不願聽尋巢還雀殼破網救蜻蜓野

店人情詐農家草藥靈施茶有功德慎勿令僧停

自是山人性偏耽水屋居穉孫央放學小婢竊翻書草  
淺雞捎蝶禾淡鴨啜魚入城無一字真怪世情疎

總無身外物斗室卽堪容檐鬪新來雀窗吟欲出蠶酒  
移旋變味茶盡吝開封最愛湖心菜兒童日采供

小院經時到閒關滿地苔登階蟲不去移屋鼠先來茶  
子如期出瓜秧過節栽宅西門向忌且爲有風開

縛棚初不蓋滿架有藤蘿近市瓜蔬賤通村麥飯多菱  
溝鋪舊錦禾浪熨新羅辛苦南莊叟桔槔還唱歌

餐飯應從減淡憐爨婦炊雞栖日午樹蟬接夕陽枝蛛



網閒終日蚊雷鬧一時松濤聲不下何處有微颺  
竹樹陰非薄人來乍覺涼無風雲跋扈不雨電張皇靚  
面田蛙坐聞聲水鳥藏把竿呼釣艇吾志在滄浪  
行止無多地身心祇自寬幔霑螢火小書夾蠹魚乾頭  
爽僧新剃眼昏曆倩看詩成吟數過急索諷人難

曉起

露華滿砌月當天鴉鵲林栖各悄然近井婦喧爭早汲  
合村人起說難眠漁家欸乃三更艣汎地依微一隻船  
本意追涼風總息應攜童穉浴清川

頓減

一年頓減舊聰明記性惟于往事清話柄忽忘思總誤  
族人頻會見還生加餐每勸脾難強絕欲纔能體覺輕  
多謝詞壇常齒及可知折福是詩名

纔晴

猛雨纔晴已一旬稻苗高下綠初勻鴨歸路口能分陣  
鷺立波心不采人天熱兒孫書課減晝長傭作水漿頻  
羨他赤裸騎牛子日浴清江幾徧新

近來

近來禮法喜全裁老去疎頑世不猜怕著衣憑梅雨裊  
嬾收書任竹風開習醫道十留偏去載米鄰船望未來



暑氣中人餐飯減那堪河朔共傾杯  
望雨謠

湖水已退湖水平上天一月無雷聲湖邊老翁田近水  
口中望雨心望晴東風徹夜鯉魚哭鴉立池心何處浴  
但使湖田家家收吾苗獨稿心亦足  
山頭放水塘坳乾山下帶水人力難村巫祈雨久不應  
霑灑到地旋毀壇溪雲沈沈雨勢作鷺鷥飛破不肯落  
農夫望雨怕雨來早稻臨場無人穫東邊忽出虹兩條  
黑雲上頂一時消巫師收人五色線作法能繫雙虹腰

一平喜雨歌

...

朝來爭水纜上田一坵水費千餘錢桔槔辛苦夜索酒  
困極倒向牀頭眠夜半醒聞微雨度雨聲著瓦喜還懼  
久旱不敢望甘霖倏忽已聞瓦上住有聲如潮拔海來  
幾番到頂風邀回可憐雨勢逆風至追隨燿電與驚雷  
雷聲一震雨聲急金蛇之光穿窗入咫尺便愁江湖翻  
狼藉敢顧書卷濕瓦溝水急還倒流茅屋乾久漏如舟  
卽恐湖田一夜沒此雨天明未肯休少焉雷高雨亦小  
水聲潺潺牆外繞田間兩月蛙無聲一時鳴叫那可了  
早起看水盈溝渚昨日桔槔空費力農家點滴皆成金  
我損千錢何足惜



夏日田家作

民生食爲本要在四體勤盛夏豈不暑良苗獨欣欣我  
苗旣以長我草亦以耘南村稻何早今晨已食新我飢  
焉足慮且復乞諸鄰新光飯極香炊以召所親田家何  
所召勞我作苦人泛泛水中菜潑潑水中鱗雖無酒肉  
味魚菜亦錯陳舉家共一飽誰謂吾廚貧  
種秫在東臯期以釀新酒稻苗何油油垂穗已盈畝笑  
指一月後美味入吾口昊天不我遂一旱三旬久苟可  
資灌溉辛勤復何有夜坐茅檐前星漢當戶牖有豕不  
渡河有雲不翳斗寥寥天宇晶瞻望空搔首

吾廬雖不廣灌木頗森森日午農務輟來休樹下陰曲  
肱方欲寢驚蟬忽嘶吟何以滌我煩命兒彈素琴此道  
吾不解竊獨好其音彈罷頽然寐起視日已沈惜哉秫  
色槁秋至無酒斟穉子原上來歡顏爲開襟盛言湖田  
好禾苗與人淡無酒何足道且慰農人心

月出不復明星繁亦可數高柳兩三株逍遙蔭我戶時  
有農夫來露坐共我語所羨水田禾所嗟桔槔苦夜久  
螢不飛莎雞忽振羽鳴聲一何急似欲入我廡東風徹  
夜吹明日豈得雨不雨可奈何聊用解吾暑

檻外有辛夷極盛每春開花數千朵夏秋之交



輒復吐一二枝然鮮豔不如矣詩以志慨

一春木筆爛如霞

一名木筆花

三伏炎蒸尚欲華應似詞人

垂老日綵毫時吐夢中花

馬上兒行

五陵惡少揆丸兒躍馬彎弓白晝馳路遇官軍相借問

分明身隸正黃旗

河北山東羽檄催紛紛馬匹向南來廬州太守公然劫

一帶城門不敢開

一樣邊裝誰敢遮當街下馬問生涯近來客夥爭能關

散入鄉村打富家

三尺瑠弓不離身村南村北漫遮人平明上馬東西去  
去後官來捉四鄰

秋雨宿龍戒菴

久知山頂一茅幽乘興攀緣到上頭戶外俯窺千嶺合  
天邊遙涌大江流陰崖霧重茶叢好絕壑風清竹箇稠  
客至恰逢秋夜雨燈檠茗椀話西樓

萬壑松風小閣憑晚時雨細雜煙騰空山鐘早完禪誦  
古殿天陰暗佛燈草徑頻來脩供客竹房久去學詩僧  
昨聞虎出還當路不是揆奇不肯登

雨阻龍戒懷還青四松山莊



龍戒山頭望不舒赤城西去故人居四松齋裏寒添被  
萬竹菴中夜喂驢獨坐肯開新甯酒閒眠難覓欲看書  
相尋訂有涼秋約可料懷君暮雨餘

李生行

君不見漢時東方朔詼諧玩世金馬門位纔執戟飢欲  
死微言諷諫悟至尊滑稽翻爲世所賤至今人比淳于  
髡又不見近代徐文長筆鋒犀利不可當當時空遇胡  
開府後世猶賴袁中郎奇人往往邁奇阨此事言之增  
感傷吾鄉山人李士雅一生足迹徧天下談吐所至席  
生風文章一出人競寫筆舌欲兼二子長宵藏孤憤無

知者徐家兄弟皆好奇

謂辛叟月鹿

耳中常聞生不羈與生

久處謂生靜怪生言動胡迂遲吁噫嘻李山人徐太史  
形骸之外識者誰如此相知真相知可憐李生好心事  
開懷寫意無所忌途窮每動達人憐談妙時遭俗子詈  
功名自分長已矣年近五十猶無子廣陵人病寄書稀  
白下寵新薄命死卽今已是垂暮年歸來四壁轉蕭然  
買臣負薪長獨往相如娶妾竟空傳看君口快腸太熱  
此法自合主速遭君不見眼前才調諸子同一朝遭際  
雙眼空有力不爲知己用有錢不與貧士通鄙夫庸兒  
享厚福此輩居然富家翁嗚呼此輩居然富家翁李生



焉得不奇窮

同左眠樵霜鶴游碾玉峽因懷爾止  
龍瞑溪水自東來穿崖瀉壑如奔雷山腰峽闊不盈尺  
束水水急聲喧逐水聲束急勢轉大噴珠跳玉不肯過  
雪浪銀濤晝夜爭一條飛下青山破左生本是樵牧羣  
振衣躡級欲凌雲邀我過水坐盤石對面大聲語不聞  
石頭坐久寒生粟拄杖半染苔痕綠想見方公此讀書  
空山無人一茅屋卽今茅屋已全傾竹刺藤梢繞徑生  
夜溪或有精靈出月白應聞嘯詠聲飄泊遙憐方仲子  
三十年來稱名士一生作客不思歸好水好山棄在此

同左碩人蔣潛伯飲吳于廷醉後示蘇生

今日出山天氣佳城西吳郎邀我飲坐中諸子皆同心  
談鋒一任狂奴驕況有蘇生善雅歌歌聲漸佳酒漸醒  
城頭聽鼓夜將淡生也喜我爲知音一曲歌罷一杯酒  
興豪技癢兩不禁滿堂客散棄我走借問主人有酒否  
老夫不醉不肯回還向隔牆謀一斗一斗告盡燈燭昏  
主人已去僮僕奔此時客醉誰相送獨凭蘇生肩出門  
秋夜過陳遐伯雨窗茶話  
遐伯爲賊傷右腕書畫用左  
小院茶鐺沸山人客未貧丹青一隻手智慧再來身挂  
壁燈光暗吹窗雨響新夜淡談不散吾近在比鄰



賦得振衣瀑布青雲濕

邑侯試士  
題戲拈

太華山頭望不開終年噴雪水喧  
虬隨風忽散千峰雨  
動地疑殷萬壑雷自恃身輕空可  
蹈却憐路滑險難回  
旁人莫怪衣衫濕纔向青雲頂上  
來

颺日搖空煙霧霏  
芒屨濕透未知歸  
半空松響濤聲亂  
一路苔侵暑氣微  
白晝懸來銀漢倒  
青天裂處玉龍飛  
攜來山口成霖雨  
豈在峰頭獨振衣

瀑水遙看尚可憐  
況來親到最高巔  
鬚眉綠染淡秋色  
襟袖寒吹細雨天  
永日明珠圓自瀉  
終年匹練白長懸  
農人望雨情方切  
散入溝塍與灌田

漫詫蒼龍嶺上行  
青珂坪險未全驚  
雲埋草屨常疑滑  
雨濺荷衣不道慵  
到頂早知嚴暑失  
分流應使濁河清  
也知白雪高難和  
願向琴中聽一聲

里人書齋索題

愛汝塵中志不羣  
書籤筆架總清芬  
檻前錦鯽椎冰護  
郭外黃花冒雨分  
潑茗動邀詞客坐  
吟詩私許老夫聞  
此中正有休心法  
漫擬移家住白雲

題石谿畫

絕壁松根挂飛瀑  
下作潺湲相噴蹙  
箇中便是石谿影  
隨意添成數重屋  
西頑老去思住山  
芒鞋徧覓無半間



此屋欲借誰人住閒把柴門終日關

望龍眠積雪

不見千峰色誰將一粉塗雲山同混沌心眼共模糊嶺上村埋否窟中僧在無老翁摩頂笑應似白頭顱

冬至日尋左子兼同訪重崖上人不值偶成

北郭風嚴凍已堅爭言奇冷是今年偶乘薄暮邀元放思踏層冰訪大顛陽氣暗生長至日禪心須驗苦寒天尋君不見無他往只在南鄰酒甕邊

冬至後一日孫喈公邀同李士雅吳炎牧左子

厚戴導及集晚香堂偶述所聞時堂外梅花

初放

雪後山城凍不開晚香堂上偶銜杯忽驚皓月中天出且喜微陽昨夜回蠟燭可憐重吐穗寒爐豈有再然灰談淡飲罷巡檐笑春信先傳一朵梅

龍眠感懷

壬寅冬余以較刻小集留滯山城同游諸子出近豪屬余點定丹黃未加謹課旋起橫造蜚語不知所自遂力辭諸子而歸詩以志感

過江詩卷手親編回首登壇二十年藝苑卽今爭虎視詞場次第數龍眠表章鄉里應無罪唐突鋒鋌特可憐貽笑千秋渾閒事此聲恐被四方傳

蠻觸紛紛不可馴誰知始禍是交親心傷文舉通家誼



眼見康成受業人世界久嗟無古道門庭何遽茂天倫  
老夫祇怪牀頭誨豈怪見曹意氣新

多難飄零鬢已華半生蹤迹寄天涯日歸擬灌東陵圃  
但到爭迎處士車潘岳閒居園欲毀左思招隱杖難擎  
余寓蜀藻家幾毀其宅  
霜鶴見招亦不敢赴龍眠不許山翁住何處林泉是

我家

子固文章千載豪成名何必定風騷無聲勒令黃鍾啞  
寡和先妨白雪高但有奇才爭欲殺縱饒綵筆未須操  
自嫌拙婦無機杼不許天邊織女勞  
有言己不能詩  
若輩何以詩爲無名謗議徧城騰市井爭看感慨興令伯豈宜稱僞命

雪菴詎可號妖僧同時高尚情寧異一例方袍罪獨增

若向此中論資格蛙聲井底任憑陵

有言余不得與大  
僧比者論資格耶

野服逍遙應未妨其言當代恕緇黃荷衣舊學山僧製  
簪帽聊爲道士裝文網朝廷原闊大章程里巷太精詳  
卽今遠出遵時制或可方袍老故鄉

亂後文章頗救飢年來餬口徧天涯若云傳食吾何敢  
但說嗟來亦不辭老母灘頭常漂處闍黎寺裏撞鐘時  
開春擬續田間集重補柴桑乞食詩

錢起當年薄有聲因遭鈎黨偶然更避仇早變吳中姓  
易代重譏世外名處士冒稱常自媿頑民顯號似非情



若言命意干時忌漢壽神靈恐不平  
余以黨禍變名二十年矣羣集關廟中指爲罪案上控

山城耆舊半吾儔欲訊平生亦有由四海盤匝推上坐  
入廚鉤黨附名流談經屢奪江東席學道聊同方外遊  
爲語少年休謾罵此身筆削在千秋

百折經過不肯回老年還被小兒摧眼分青白甘常閉  
口善雌黃禁未開得謗祇緣思息鬪  
邑故兩社有小人不利其合故挑之多尤可信爲憐才平生一字輕標榜此後逢人志總灰

田間詩集卷第十

田間詩集卷第十一

客隱集 癸卯

春雪還江村留別諸子

二月山城雪亂飛江村獨叱蹇驢歸吟詩客散詞壇冷  
惜別魂傷酒力微陰壯也知消不久花遲卽恐凍全稀  
紛紛舞絮盈庭集可念當風老衲衣

復客

爲客吾生事無端返舊扉乳鴉爭學噪獨鶴悔思歸敢  
怪人情異應知吾道非方袍不可着從此換征衣

季秋偶赴山寺方繡山見過邀爲匡廬之遊比



聞信輒返君已呼酒薄醉小詩見意

秋後村無徑家家一水環君方呼釣艇我已出柴關竹  
裏門誰應牀頭酒未慳遲予山路遠早是醉言還

欲還何所待待我上匡廬已是多年願況承前日書六月

先有字籬邊樽盡後松際月明初便可挂帆去吾身信

所如

乘月汎舟到樅川卽事

小艇維門首停杯卽可登本無衰待治況是月堪乘風  
起酒通散路迷山足憑中宵忽有悔忘挈舊扶藤

飲劉臣向家塾

別業僻難到同人老更親雄談看興會痛飲見精神紫  
蟹初登市清醑轉乞鄰盤餐方法備不似阮家貧頃臣向見  
顧鮭菜而已

舟行紀事

時秋水大漲

一白杳無岸秋潮黯自深江程從此直河路不須尋渺

矣扁舟興暢哉游子心遙愁今夜泊何地可行吟出樅陽

未知江路險已見皖公城樓堞中流出閭閻一水平紅

驚霜樹過青覺遠山迎近岸堪乘漲毋煩破浪行過皖城

風帆爭利涉早泊且安眠村沒通無店城昏薄有煙過

船牛屋上倚棹女牆邊森森滄波裏官量何處田時正有量



田之

秋濤高數丈半浸小孤山怪石根全沒危峰勢可攀  
盤空不去僧乞米頻還避水居人苦爭栖巖穴間  
過江流最急逆溜到城邊倚石排魚網當門渡小船  
頭三鼓斷石罅一燈懸見說巖栖叟團瓢二十年

宿彭澤

### 望漳湖懷范小范

漳湖秋後漫釣者興何如莫辨江邊路焉知湖上廬  
田存難免累頃以丈量小范甚苦水至豈安居百里樅陽近七年不

寄書

### 南康道院

小院荒涼甚游觀一郡推吏時稽客至官或送人來雅  
咏僮童怪深盃道士陪竹房新嘗酒待我下山開

### 望廬山

匡廬入夢已多時乘興先探絕頂奇一路葉埋靈運屐  
合山僧待子瞻詩雲鋪半嶺村猶霽雨在高峰客不知  
小豎暗攜長笛至擬登五老向空吹

### 宿棲賢寺二首

山路苔深客至稀特尋鐘梵叩禪扉大師度嶺誰為主  
天然師道場監院遊吳且未歸乍聽遠來爭接杖却憐初到  
勸添衣白茅小屋開方丈送我安單暫息機



見說棲賢古道場自經劫火到今荒門庭仍接諸方衆  
耕種纔收半歲糧願力須完皆是妄名根未拔豈能藏  
雷峰老漢真知識住院規條揭滿堂

投宿硃砂菴

一名老樹菴

路入含鄱冒雨趨

嶺有含鄱岩

硃砂峰下一菴孤把茅初葢

主人出脫粟能炊明早無時有山精窺戶入每聞俵鬼

隔牆呼小師細述多遺蹟此地曾居舜老夫

宋禪師

萬松坪贈聞極上人

廬峰峰半萬松坪乘興探奇冒雨行白晝打門山鬼戲

黃昏過嶺野牛鳴舊持南岳書難達

十年前卓菴禪師有書附子轉寄

新撰匡廬志已成

上人修山志甫成

別院一間迎養母蔬盤常

賴母經營

阻雨萬松坪紀事

今年九月天氣清方子邀我章江行舟過鄱陽不肯去  
撥衣直上萬松坪十步九歇不言苦含鄱岩口初逢雨  
罡風吹我去何之夜宿老樹菴無主朝雲沉沉雨勢大  
拄杖已折草鞋破石頭路滑赤脚遲又遇衝風吹我墮  
與子相失半山腰空林獨往影蕭蕭煙雲合處通無嶺  
溪水喧時知有橋我到橋頭發高咏方子林際遙相應  
溪流宛轉松漸多松中已覺精廬近隔松隱隱見炊煙



有僧長鬚三門前知是老禪揖不得解衣同上大牀眠  
老禪呼水濯我足更作椒湯煖我腹夜深添火談不休  
自看密室與我宿雨聲夜雜溪聲鳴方子終宵有歎聲  
自疑五老緣太淺兩度來遊天不晴方子勿阻看山興  
我到山中計已定不晴不上五老峰判與老禪過此冬  
由萬松坪冒雨到凌雲舍卽事

我來遊廬山志在造其巔皇天不肯晴僧牀累夜眠今  
晨米告盡焉得不言還去此五老峰往尋三疊泉石間  
本無路草際微可沿甫從溪中過忽又巖上穿雷聲一  
何怒奔流百丈懸攬衣並流下谿路實使然況復雨時

至對面愁攀援杳冥失山色彷彿有無間遙聞竹中語  
微見松際煙老僧供茗飲一啜禦我寒更言前路險絕  
壁俯深淵自舍所扶杖遣徒導我前捫壁不容趾投杖  
竟過焉還顧綠水潭一泓澄可憐胡爲銀花翻疑有神  
鼎煎前登偏側嶺竹林遺蹟傳題名者誰子石上草草  
鐫石縫裂盈尺上窺一線天或云有絕徑從此達玉川  
越嶺徑彌仄窺崖脚已孿所恃霧氣隱但聞水聲喧方  
子指我笑昔銳今何孱回頭見方子前後爭扶牽半晌  
僅能過中心猶悃悃道逢虎跡新謝遣導者旋此去蒼  
苔滑十步九躓顛山查味極佳杜鵑色正鮮山高風氣



勁此物何由全不見山頂松屈曲生崖邊其高僅盈尺  
其壽已千年枝爲罡風吹根與頑石纏所以柯不高惟  
有瘦且堅蹭蹬至峰口峰勢轉巒岷徘徊不敢下荆棘  
任所扳時時學猿挂往往愁鳥翻遙見煙霧中似有瀑  
布奔明滅倏無定迷離眼漸昏有如金瀉地斷續還渾  
渾突兀石側出倚杖聊可捫同行遙相喚長恐中路捐  
忽聞犬聲吠相顧開笑顏筋力旣以憊且復獲所安勝  
遊良不易茲遊毋太艱

過上三疊泉精舍

千竿竹暗雨昏昏三疊泉聲霧裏喧山氣早寒先向火

茶煙纔上慢開門燒菴何處尋遊子先是菴爲遊人所燒謬許造還不果  
過客終朝累老髡勞遣小師前導我凌溪絕壁恐難捫  
前有捫壁石絕險

宿凌雲舍枕上口號

溪窗徹夜作雷聲屋溜泉奔聽不明雨卽慳尋三疊勝  
晴還悔下萬松坪崎嶇有徑寧辭險筋力雖疲尚可行  
若使玉川門又阻一生辜負看山情

到玉川門不得渡

連朝雲霧罩峰巔又遣溪流鑲玉川攀涉豈宜頻阻興  
溪山不信太無緣應防詞客詩篇少欲試遊人願力堅



直聽漲消重策杖今宵側耳恐難眠

鐵壁精舍

鐵壁層層斧劈痕團瓢小構倚山根溪流橫過原非路  
石罅斜通實有門白晝雷轟巖戶動晴天雪噴竹窗昏  
老僧供茗留人坐從此攀躋問水源

玉川門裏有山徑絕險可達萬松坪是無可師  
手開看三疊泉孫魯山再爲剪刈詩以誌之  
玉川竟達五峰巔鐵壁千層一徑懸繞石陰森寒白晝  
隨泉宛轉上青天新修隘路椒園叟舊闢荒途藥地禪  
要自此中親到過些些丘壑笑龍眠

到凌雲舍知吾鄉孫魯山前半月過此攬勝而  
去亦未登五老峰寄懷二首

玉川門外水如雷纔是先生攬勝回苔蘚曾經藜杖破  
剝榛爲過筍與開蒼崖磨待新題句紅葉燒餘舊煖醅  
莫笑問津人絕少經旬又見老狂來  
匡廬絕頂最難遊也向松坪幾日留客到每逢雲物晦  
我來又聽雨聲愁空圍僧舍連宵火欠看鄱湖萬頃秋  
五老見人羞踏甚肯容大老上峰頭

三疊泉

靈輿不易探興會詎可誤石出漲以消鳥鳴雨初住杖



策沿溪流曲折經屢渡玉川徒有門鐵壁絕無路雷霆  
互喧逐雪浪莽奔赴側身窺洞口有物向空吐大聲恚  
心覓焉得不速去喻險恃輕身乘危戒反顧雖極攀涉  
勞頗盡林壑趣稍見三疊泉遥遥千丈素恐是鮫人機  
毋乃天漢注一疊鬼神驚再疊蛟龍怒三疊江河翻傾  
倒誰能禦餘勇噴珠璣猛氣生煙霧青天雨霏霏白晝  
森然懼下有綠水潭間為神物護停泓似不流奔注忽  
以聚銀花攪四圍動定各回互莫測瀕洞端焉知潑洄  
故至人法坎止此理應可悟坐久毛髮竦寒色滿衣履  
山空無日光焉辨朝與暮僮僕或先行導師亦回步匡

廬洵多奇茲觀亦已巨如何山下泉居然稱瀑布

廬山雜紀口號

一縷煙生頃刻濃終年頂上有雲封鄱陽好處層層見

何必求登五老峰

海綿于頃已全收

山志稱雲氣為海綿

霧縹緲雲巾又蓋頭却怪此

峰稱五老如何老只見人羞

蒼崖紅樹錦為斑疑有疑無霧雨間忽被煙迷全不見

分明一幅米家山

谷鄱嶺上小團瓢夜半門扉有客敲親見老儒來乞火

多年腐物會成妖



田詩集 卷十一  
山上常餐是芋魁遊人每爲絕糧回下方施米虛功德  
一石纔能五斗來

雲霧峰頭萬畝茶好茶只得兩三家攜來山下無香味  
應是山中水自嘉

茅菴僧出半開關常辦遊人到此間有米在廚客自飯  
往來米價不消還

團瓢早積過冬柴一夜風號雪盡埋直待雪晴春始掘  
叢林鋤鋪預安排

過白鹿洞不得入示繡山

先賢此地舊絃歌慚愧藍輿洞口過惟有斷碑當孔道

遙憐古木滿山阿藏書院閉人窺少養士田存官占多  
老去始明朱子學門牆外望欲如何

南昌遇何紫屏

執手章門此會奇銜盃絮語不勝悲覽詩早信爲臯羽  
投刺應知訝子皮

范蠡變名鴟夷子皮紫屏初見子刺疑之

異代功名何處

論半生出處幾人知點頭尚有蒼頭信猶記當年嘯傲  
時

新詩五韻見交情幾度高吟和不成惟恐傷時還閣筆  
卽教懷古亦吞聲樽前得句蠻姬誦醉裏題碑賈客驚

粵中曾爲紫屏  
巖政碑記

回首舊游零落盡天涯贏得兩狂生



同紫屏訪黎博菴廬居

南昌前輩古風流特訪廬居問蓼洲各地木榻半穿身未  
老板門閒閉氣常秋酒盃自向東籬把刺字遙尋北海  
投別後有詩無忌諱好憑何遜寄揚州

陳士業數過小寓論詩率爾有作

三十年前陳士業相逢豪氣尚如新興逢文酒全忘老  
家為交游積漸貧是我有詩皆過目訝君無字不留神  
旁觀莫怪深談久海內深談得幾人

滕王閣同方繡山敦四宴集得風字

滕王高閣聳層空乘興登臨二阮同檻外雲山餘舊恨

城頭鼓角送秋風

以是日立冬

天時已變江流裏人事常悲

夕照中却怪來游詞客少子安詩句至今雄

章江門外已成烽高閣重開與昔同村市半沉秋後水

帆檣爭趁晚來風他鄉對酒偏難醉勝地題詩不易工

遙指西山蒼翠裏幾人曾見採芝翁

懷安期生

再用風字酬敦四

憶別江城恨未窮他鄉重聽話遼東虬鬚點得陰山雪

貂帽吹殘大漠風出塞弟兄多日紀懷人詩句怕雷同

向來飲量稱無敵底事持齋不肯雄

敦四怪予無詩見懷子笑曰恐兄入

關後補詩者甚多以此自嫌耳



章門喜遇陳是菴別駕併為催粧

相逢猶憶少年場異代蕭條識老狂幕府檄來徵考績

錦屏客聚為催粧樽前燭影欺新月簾外花枝報小陽

時為十月上弦獨有舊人今夜冷知君惆悵合歡牀是菴未續娶先已納

知

周農父楊嘉樹至自嶺南云於羊城晤姚六康

喜極有詩

章門驚拂嶺南塵說向羊城見故人海外已傳蘇軾死

天涯猶念馬卿貧哭君詩誤何須諱笑我情癡果是真

早晚公車江上過相逢悲喜一時陳

向因友人說傳遂有哭六康詩想見

之啞然一笑也

寄陳昌箕廣文兼問鄧子與

廣文五載滯延平此郡溪山舊有名閣裏邀賓攀磴上

廳前視事見帆行酒錢易盡誰相送詩料雖多莫漫成

沙縣故人常會面也應細說昔交情

寓目

此郡焚後盡東偏一望賒竹園新佛舍瓜地舊侯家釣

艇城根出浮圖郭外斜城外有斜塔分明道址在想見昔豪

華

瓦礫堆邊路游人屐齒疎橋平齊放馬水活暗通魚沒



入皆官地租來有客居月明湖上好羨爾夜深漁  
贈葛霜華

侵晨尋古廟梵誦隔林聞小豎同持呪行廚不動葷坐  
多逃世客集廣放生支獨有圍棋好時賢總讓君  
壯年遂不仕常憶朗陵危奉檄開城走沉舟下峽遲尊  
公容宛在予少時丁卯晤尊君清涼寺伯氏死誰知變  
今見霜華貌酷類問之始知  
時令昆赴自說無生趣應皈大導師  
水殉難

寄無可師

此來尋五老亦擬問團瓢豈意游踪滯還聞去路遙江  
寒舟怯換地僻伴難邀小阮崎嶇至應堪破寂寥  
頃有沙彌

無伴為大師猶  
子遠尋西上

近識安禪處身心得自閒供惟勞長者居不擇名山法  
席應爭請餘生且合還故鄉斟酌住浮渡白雲間  
白雲亦祖庭不必定浮山也

吳城阻風

鄱陽不可過兩日臥湖邊屐阻通街路檣連下水船舟  
師私攬載僮豎暗攤錢薄暮占風色閒看市井煙  
急雨爭移纜櫓聲喧滿江市燈收酒店官燭隱篷窗積  
悶憑詩遣閒愁被酒降避風高枕後應傍洞庭艤  
潮落墟初出舟航集市門邊商人盡讓楚客語多喧曲



巷穿山徑巖牆上水痕令公祠闢甚新稅及梨園  
小市舟難泊潮來取次移高燒真惡燭淺酌試新羹默  
默惟眠好昏昏與醉宜僮童工弄笛詩句倘能吹  
遽與章門別還於此地留銜孟驢雨點解纜避風頭泊  
必依官舫幫無虐小舟榜人通夜罵且免客途憂

渚溪

礮陽不可過小渚避風湍盜出因湖闊船多得港寬僧  
誣神託夢隊借長充官局促篷窗裏聊偷一夜安

泊渚溪寓目彭蠡

秋水寒不退冬月暮多風回舟泊小渚登高望征篷遙

見所來路浩若乘虛空自非指南車焉辨西與東白沙  
疊爲岡其上草木童山色半蒼黑煙雪互濛濛時見岡  
巒斷頗疑路四通乃知皆島嶼浮汎波濤中間道前山  
下屢號暮夜戎榜人戒行客勿貪利涉功亦有西上舟  
點點鳧鴈同帆影旣以盡目力猶未窮轉睇匡廬山杳  
冥霧雨蒙我舟去何時羨彼孤飛鴻

泊大孤尋白泉寺

北風不肯息波浪逆我舟中流開篷窗遙見松竹幽舍  
舟步出市策杖入林丘果然愜所願小構藏山陬園籬  
旣以治畦徑亦頗修僧徒勤梵行日暮猶未休客至何



所供茗香足淹留山泉味極甘雪色照素甌欲往尋其  
源源深谷不流渾渾井中出有如白乳浮以此名白泉  
因有人來遊君看白泉名題在寺上頭

### 石鐘山

昔我挂帆上江流何渾渾順風過絕壁斗削不可捫遙  
見繫習人有若巖際猿今來水始落與子同扳援石拒  
本無徑壁裂如有門時時奇鬼搏往往猛獸蹲絕頂望  
江流浩浩東向奔還顧足垂處凜然森心覓下見石鐘  
石紛紛考擊痕嗟此李渤誤如何至今存此山本空洞  
如覆盂與盆水落人可入有路達城根以此風鼓浪水

石互吐吞所以蘇公來大聲水上喧自公此記出一洗  
石鐘窵明明水經注不肯信酈元世無讀書人固陋安  
與論

### 阻風鱗魚嘴卽事

北風不可下艤楫繫枯楂入舟苦局促一杖聊可拏居  
人避水去茅屋半欹斜婦人投所親丈夫或在家市上  
何所有但有小魚鯁此鄉無禾稻所恃麥與麻麻麥旣  
以盡蘆荻不復花水田寸寸量賦稅日日加江濤激頽  
岸敗板圻官艇忽憶廿年前吾友沒江涯旅櫬寄此地  
有菴名蓮華故鄉在三原欲返道路賒今來時代更洲



渚漩爲窪蘭若復何有總有委泥沙男子死四方豈必  
首丘嘉螻蟻與魚鼈同盡何傷嗟歎息回篷窗淚落黃

昏鴉

三原石胤崑客死此地劉客生殞  
諸蓮華菴今詢其地已爲烏有矣

### 宿磨盤洲

此洲昔殷盛漂蕩幾家存江口旋編屋潮頭尚打門樓  
船乘浪進鼓吹雜風喧小泊更籌裏囂然似一村

### 放舟小飲忽過皖城醉中口號

舟輕無浪且銜盃百里江程一刻回高枕轉時驚雉堞  
篷窗推處見樓臺冬晴蒼翠雲中出夕照丹青水上開  
醉眼莫疑看似幻海門自昔號蓬萊

### 到樅陽

望見樅陽近風帆及早收漫愁舟進口且喜水回頭市  
井新開店人家始下樓江流雖勇退勢比昔年秋

艤舟遇姚彥昭得左子直燕邸信知魏子存相

### 念

我纔破浪至君更逆風行自笑年年放空勞處處爭  
今秋北日邊游子信劫後故人情可識廬山返新詩帙  
試不利又成

### 聞姚經三司李建寧

閩海芝城我舊過先賢遺蹟滿巖阿雲山入座侵書帙



廳事開簾足嘯歌一路箸香茶筍妙四方書購棗梨多  
詩傳易學同時出皆經三素志業擅千秋奈汝何

宿汪惟肖山居索詩為徐月鹿五十壽走筆奉

寄

汪子空山一茅屋黃昏驢背邀我宿客有白飯驢有芻  
擁爐夜話徐月鹿月鹿才名我久聞與我未交交以神  
往時豪氣傾江北祇今清譽騰淮濱淮水東匯清江浦  
南北舟車日旁午太倉悉仰輓輸功過客恃為地道主  
年年採木造漕船昔何苦窳今何堅物價既優功亦倍  
家家得用水衡錢朝廷計功不計費區畫要為百世利

卽防掣肘另增官何意同官與同志如君才真天下奇  
朝起視事夜賦詩判牒爭求蘇軾帖放衙閒賭謝安棋  
君於朋友有高義吾里相傳兩盛事卹孤已見李狂生  
娶婦復聞楊處士明年正月君五旬祝君詩句滿堂新  
可憐汪子解君意論詩偏重老遺民夜深邀我飲我酒  
酒酣屬筆為君壽酒酣告罄詩亦成此時誦君君知否  
汪子早去稱君觴予亦還家卽整裝明年倘過黃河去  
淮上為君醉幾場

寄徐莘叟太史

名園策杖屢蹉跎準擬今冬約伴過身隱未能忘筆墨



田間詩集 卷十一  
興衰猶喜聽笙歌常時放櫂千江遠老去騎驢兩日多  
雪霽山寒行不得花前留醉待春和

贈牛山道人

松桂陰中舊草廬一窗偶借道人居飯香僧舍煙生處  
茶沸山亭月上初老去守中防客氣靜來試眼寫方書  
同年壬子推君長鬚髮相看迴不如  
爲憐多病學長生瓢笠尋山到處行賣藥隨緣囊漸減  
彈琴無字指偏清脾因過午停餐健體自中年絕欲輕  
向道周郎能顧曲至今宛轉逐簫聲

田間詩集卷第十一

田間詩集卷第十二

客隱集

甲辰

縱陽阻雪

北風不可去擁被阿咸家急雪窺牀集迴颺侮燭斜喜  
饒新歲酒愁損故園花正好看飄撇疎簾底用遮

元夕阻風錦衣洲

津市無多路帆檣不肯前大風收港息孤月入窗圓寂  
寞過燈節淹留恨米船同舟沽飲去贏得守篷眠

白鷺洲宿胡星卿草廬

去歲秋潮漫遙憐處士家瓜棚連樹倒籬落與門斜魚



走塘皆破馬來路莫遮竹牀留信宿猶詫酒能賒  
駟象門尼菴弔黃坤五旅殞

旅櫬何時至郊扉此獨栖門開驚鼠走客到觸鴉啼親  
戚已都去銘旌尚未題老尼言後事一字一含淒  
平生稀一面共訝客心悲塔寺虛相待萍踪竟失期  
先

曾尋我長干寺中久待不至荒唐天問註寂寞義熙詩今日筵前拜  
竟兮識我誰

連歲風波惡艱危剩一身如何遺此老畢竟死於貧作  
客原無主哭君寧有人舉家生計盡誰復望交親

前輩看將盡聞君訃益嗟吾方哀氣數人只惜才華在  
世原無謂偷生亦有涯漫勞悲客死何處是君家

長干寺酬趙月潭先生見過

蕭寺僧房僻頻勞緩步尋虛懷前輩誼握手古人心道  
合交無淺時危語莫深正思詢典故欣接舊詞林

雨阻長干寄徐月鹿水部

準買扁舟向北行無端又滯石頭城塔檐徹夜聽鈴語  
巷口侵晨厭屐聲柳色遙連淮甸綠江流空憶浦關清  
知君退食衙齋靜與客圍棋日幾枰

寄陳階六大叅

二十年前舊酒徒風流三接憶當湖  
君爲平湖令予曾過訪強邀



荀令除官格醉擁秦青置坐隅飲量難餘疑漸減筆花  
老去不曾枯秋來覓我淮陰市看取狂奴興在無

七年前寄數行書隔歲遙傳雙鯉魚以我酒狂時復作  
知君豪氣未全除道分出處情寧異地阻江淮跡太疎  
寄語詩城諸社侶藕花開日好遲予

上河訪王汾仲口號

不見王生已六年看君難後益蕭然軀孱判爲交游累  
家破難邀故舊憐屋敝半間聊訓讀書求八法罕酬錢  
兒童散去窗初靜自下門扉與客眠

示程子介

時俗人情更莫論看君落落道心存有錢祇濟貧交急  
失意難忘汲引恩性僻吾原憂寡合口緘世反怪多言  
如今好客平原少覽者誰容尚到門

予薦子介於貴人宅爲其內人不悅

辭去

王元倬移居巷西約同姚伯右楊炯伯王杲青

陳壘侯小集

江村歸去信難通每念南陔老病翁徙宅不曾離巷北  
避囂仍可號牆東此身幸在寧嗟困五道雖非未筭窮  
試看樽前無雜客論心猶有數人同

荅石潮禪師見贈



天界堂頭老導師別峰未見已相知敢開大口爭談法  
或有微言雜在詩易學偶於窮處悟禪心時向醉中窺  
謬勞佳句深錐割其奈凡情不肯疑

荅棲霞竺菴禪師

曾到黃龍空手還餘生得意酒盃間細看妄想寧宜滅  
自信狂言不可刪佛法忘來隨處見南華讀罷此身閒  
導師惜我頻垂示却怪頑夫老更頑

雨宿方望子寓樓

小樓聊假息留滯忽經時月色愁中誤雨聲醒後知朝  
炊煙不出夜漏榻頻移多少交親宅唯君借一枝

過方爾止晴望樓小飲

高閣倚城隅當窗二老夫人煙昏後合山色雨中無薄  
俗真宜避吾徒幸不孤隔鄰饒畫手此意亦堪圖

芳樹六章爲方繡山六十初度

倚倚芳樹蒼彼丘園有泓其池有翼其軒之子肥遯于  
今十年或勸之出笑而不言出者屢蹶信處也賢  
芳樹伊何維楫與采采柯冬挺楫陰夏濃良時置酒老  
友過從其跡則異其心實同相顧念昔胡然而翁  
惟子壯年意氣揮霍居室屢空行歌自若我與子交禮  
數脫略子貴不驕我貧而樂文酒爭長緬言如昨



秋風始肅陟彼匡廬兩阻道絕寒裳以趨我棄其杖焉  
用彼扶子不我後黽勉崎嶇乃夜紀事謂我弟如  
子年五十誕厥嘉兒六十之辰兒已追隨對客能書抱  
經能疑侍坐於側言笑以時親戚驚歎曰此子奇  
子有奇子亦既有家賓客咸集樽壘孔嘉臨觴不御戢  
影棲霞念子素履弗紛于華青山矢志尚其勿遐

栖霞禮浪大師塔院

導師歸寂久禮罷淚難禁在日無多法臨終只此心白  
憐親近淺已覺受知深一瓣香藏久逡巡直至今

登攝山絕頂

嗟峨獨枕大江隅與客追攀興未孤麥色不齊分罽緣  
潮頭初上滿槽鋪煙奔谷口橫空去雨截山腰過嶺無  
漫說金陵佳氣盡此峰仍障帝王都  
岩巖俯視萬峰羅垂老支筇始一過劫火不銷千佛石  
烽臺長鏢敗軍河金焦影落天晴見瓜步帆收晚照多  
借問宋家鏖戰處萋萋洲渚塞煙波

池州凌雲閣同楊嘉樹作

苦雨淹旬不出城忽登高閣見空明湖堤水齧尋山阻  
橋竇潮平擁棹行遠黛似螺餘頂見濕雲如絮半腰生  
獨推一榻容高臥纔聽官船喚打更



涇縣道中示嘉樹

老來遊事拙長路仗同人冒雨先尋店留船自候津驢  
遲煩客促僕懶代予嗔竟日通忘倦沿途唱和新山  
涇縣感舊贈王雲從孝廉

久不驅驢出況當溽暑新偶來因老友

為何紫屏見邀

乍到問

同人在市焉能隱偷安賴得貧相逢不相識髣髴是前

身

文物悲前代雞壇憶盛年美髯疎似畫逸興涌如泉吾

道名為累交情老可憐相看頭白盡敘舊意茫然

經旬常臥病積雨沒蓬門何必離人境自然超物論

年來

多難唯雲從超然

交多難謝客屋小每移樽惆悵平生意相期

竟夜言

舊遊看漸少絕迹意何如文字已全廢山林無可居難

通徵士訊莫寄孝廉書

謂翁生道吉

來往琴川上空逢赤鯉

魚

同紫屏偕閩中諸子遊水西寺即事

有上中下三寺

三寺鐘聲隔水西連朝約伴費攀躋山城樵早喧爭渡

海國童嬌跣過溪夾路果園村姥護誰家茅屋午雞啼

沙邊瀨淺全無徑莫怪遊人屐齒迷

竹樹遮門一徑深樓臺髣髴見叢林寺碑每記宣宗蹟



寺為唐宣宗潛龍處

山誌多傳供奉吟

太白詩最多

丹井甃存僧罕汲

葛洪井

賞溪流改吏何心

僧言賞溪本在山下為邑令改而東恐不然也

客來想

像秋霜閣亂石崩崖無處尋

丈室僧遺小影懸支公沒去已三年

謂友蒼禪師

飢分麥粥

當龕啜醉放蒲團帖地眠覆席陰移崖際樹侵肌涼透

雨餘泉水邊林下經行處土銼茶煙迹宛然

古澗寒飈速客回行過中寺偶徘徊法堂堆麥僧長鑠

別院穿松客自開已見白雲歸作雨

上寺名白雲

誰聞黃檗

喝如雷

下寺即黃檗所居

上人選石留茶話苦被童奴趁渡催

贈漳浦莊孝廉儕鶴

漳浦風流不乏賢逢君為客聚琴川藕花香散乘涼夜

竹葉樽同過雨天遺事欲蒐詢舊吏歸裝獨重有新篇

銅山共荷門牆誼細問遺孤淚泫然

送蔡君亮孝廉之新安入閩

嶺嶠崎嶇去路賒亂山孤縣偶停車酒樓窗近聞歌管

佛院牆傾見藕花浪迹終年長作客多情到處且為家

天都取道閩關便還指羊城向海涯

贈仙遊吳鶴九孝廉

荒寺羈栖困客心乘涼隔院動相尋堂虛合坐需天晚

砌冷貪眠怕夜深閒寫道書消旅况醉歌蠻曲操鄉音



論詩大有驚人語不許吾徒率意吟

過石壁和金太史江文學韻

行經山隘暗迴腸逐伴纍臣此出疆壁上墨痕淋暮雨  
溪邊灘響咽斜陽同歸益勵臨危志未死偏增殉節傷  
記得孝豐聞變後吞聲重趼赴閩鄉

乙酉秋到孝豐聞新安陷

新安晤鄧子與荅其見贈之作

葉落虛空散浮雲東西馳飄轉天地間會合終有時憶  
昔干戈際慷慨與子辭斷橋一分手生死不相知我既  
歷險阻子亦罹艱危間關度嶺嶠黽勉還茅茨念我平  
生友消息當報誰忽傳南宮捷姓名久更疑見子應制

作高文何瑰奇人皆爲子慕吾獨爲子悲一官竟蹭蹬  
始志果不欺我客長干寺邂逅陳昌箕言子狀甚困惜  
子數甚奇數奇何足惜所苦終歲飢吾友姚仲子意氣  
吾常推司李建安郡臨別屬以私惟子與陳子託其加  
護持堅約秋深日尋子史溪湄何意汗漫遊聚首忽在  
茲乍見不及喜亦不道相思但云中郎帳覩我贈友詩  
心知我尚在寧知見有期所述無萬一涕下如綆縻子  
鬚猶似漆我髮已爲絲相顧念疇昔豈必盡狂癡談笑  
終日夕忽當與子睽我行無踪跡飄泊隨風吹子亦狷  
者流游謁恐非宜人事日變更世路多險巇歸裝倘稍



給慎勿還山遲丹楓繡崖谷候子于武夷

新安長橋步月贈東筦洪藥倩

月白沙明夜氣清倚欄話久不勝情同年獨僭新鬚髮  
老友唯諳舊姓名南國風雲悲異代海天吟嘯似前生  
述懷有句休高咏怕被人傳激楚聲

海陽尊經閣七夕同紫屏作限韻

金風入夕透疎櫺早見高梧一葉零五嶺同遊餘二老  
十年幾處看雙星為儒肯乞黃姑巧感物偏驚烏鵲靈  
夜半虛空音樂過還疑魯壁有藏經

閣上秋懷

憑凌高閣頰諸峰客到常登第一重當戶白排三宰堵  
遶窗青列萬芙蓉秋清委巷無砧杵日落荒林自鼓鐘  
吾道既非經學賤漫矜先代有儒宗

過白鶴山汪氏園

木落高城暑氣殘精廬小構隱林巒主人自去央僧守  
佛相長供許客觀一勺井泉通邑釀名東山井水絕佳  
合城取以釀酒  
數竿水竹隔溪看蒲團閣上開簾坐也覺身心半日安

斷石

丹嶂何年巨斧開崩雲墮地臥溪隈應留仙客排棋局  
恰許漁家作釣臺潭上幾人能嘯咏壁間諸佛自莓苔



石梁過處疑天造，塞斷休教俗物來。

閣上作寄謝廣文

海陽城郭半林丘，高閣憑欄望裏收。  
三徑經旬無客過，萬家幾處有煙浮。  
覆堦桂樹驅殘暑，出院梧桐報早秋。  
誰謂廣文官最逸，炎天過盡未登樓。

久寓海陽學宮未識謝廣文面臨行寄謝

秋風日夕洒征衣，惆悵先生出未歸。  
官閣登臨同水部

謂何紫屏

高齋吟眺憶玄暉，榻懸梁上見能下酒出牀頭客。

自揮來去不須相識面，交親卽恐太忘機。

同紫屏遊白岳紀事

磴道攀躋第幾重，籃輿一路入深松。  
山空客過傳鞭響，日落壇荒見虎蹤。  
自昔御爐頒大內，至今金屋冠孤峰。  
中和白岳遙崇秩，千載登封望世宗。

中峰石勢障丹臺，誰啓仙關引客來。  
雲路躡窮心已歇

天門過去眼重開，千尋巨壑窺將合。  
一帶懸崖繞却迴

最是老楠能作怪，無端火出自成灰。

天門楠樹自燒死

珍珠簾下雨絲飛，客到秋初暑氣微。  
點滴可能添瀑布

飄蕭暗覺潤生衣，鳥來朝闕依時至。  
雲出遮門近夜歸

遙指香爐峰在眼，日斜頂上弄光輝。

玉屏高峙白雲齊，金殿平臨萬嶺低。  
天表舊傳成祖



肖御碑親出 肅皇題門瞻紫極 遙朝北路繞丹梯 盡向西禮罷上階 窺黼帳真身猶是鳥銜泥

紫霄崖畔碧苔盈 為仗同遊鼓勇行 巖際四時飛作雨 塔前衆壑暝猶晴 巨碑有字高難讀 野殿無人老漸傾 更去莫愁前路晚 夕陽村落正分明

洞天門隱竹松幽 邈邈栖真在上頭 倚檻秋陰青嶂杳 看峰晚霽白雲收 仙家歲月終難駐 人世風塵不自休 借問浮圖藏蛻處 可聞笙鶴夜深遊

日暮客祁門寓十王寺雜咏 一名悟法寺

城南悟法寺臺殿敞 溪邊俗儉偏 貪佛僧賢欲改禪 春

喧臨水碓篙曲上灘 船頗羨村翁 古衣冠似漢年

經旬不出市草色滿庭荒 破院埋雙塔 長廊閉十王香 田常住累佛事 一秋忙好接諸方 衆尋師坐道場

禪林何代廢 今已合重興 精舍栖遊子 空房養病僧 廚開殘梵夾 竈墮走瓜藤 昨夜光明滿 新添佛母燈

老年難作客 況是凜秋時 何處求梅墓 相傳寺為梅翁墓 閒來

辨岳碑 寺側有武穆題碑 醉疑沽酒惡 醒怪打鐘遲 去住惟憑興前途不自知

茶棚閒寓目 來往閱行舟 日落渡難待 灘平鸞早收 鳥知施食集 魚恃放生浮 宰堵溪流隔 常思到上頭



田間詩集 卷十二 二  
梵宇臨官道施茶信有緣漁蠻竿去遠此溪禁漁人健婦擔

爭先漏稅常通貨隨鄉不使錢俗不用錢而商貨竊通吳越米船江

右至最賤是今年

客居偏喜寺課誦晚堪聽禳待僧閒製杯因友病停紫屏

方臥疾科頭時禮佛嗽口自持經見說山門古泥神大有

靈

山深寒氣早地僻屐痕稀游客已都去主人猶未歸有

書朝押酒無被夜添衣寂莫高陽侶閒時一叩扉

無事尋人語閒談每夜深土風崇鬼教梵唱雜伶音諧

俗老來態悔遊病後心所嗟詩思澁得句費沉吟

窮途依老友久臥客心驚謂紫屏臥病藥竈通宵火鄰牀半

夜聲不眠長屬耳無語暗關情多少飄蓬慮躊躕到五

更

訪葉特子

小構何年翠為園且護籬天晴庭晒藥雨洗壁題詩茗

熟談深後樽開客聚時要予常散步乘興勿須期

贈陳秉文

此地亦云僻交游每到門貧來惟屋大亂後有書存涉

世吾甘拙求人合厭煩同心能好我時許縱狂言謂方兆玉

汪子先諸子



李御侯醫士索詩

李生稱市隱小巷一壺懸  
乞藥清晨集主方通邑傳囊  
贏常買醉僧病免還錢  
過午閒無事邀人合管絃

饒州道上作

過盡祁山路推蓬眼一舒  
江平無險阻樹合有村墟  
處處初收稻家家習打魚  
怪予幽意愜生慣水鄉居

重九前三日李梅公司馬邀同文燈巖何紫屏

蘇興三劉遠公賞菊卽事

謝公池館倚城隈三徑斜  
從竹裏開花綻早邀詞客看  
鶴馴驚見野人來庭階樂事  
聯詩句身世浮名付酒杯

正好縱談判燭跋城頭更析苦相催

公子惟饒能詩遠山夫人有集行世

名園偶集盡交親況接先生滿座春  
深巷車填知好客巖城鑲啓爲留賓  
樽逢重九前三日坐序他鄉第一人

自笑二毛資格廢追隨先達僭如銀

南昌舟中和紫屏作

時紫屏有門人督儲此郡

南州賦困已多年滿地征徭劇可憐  
羽檄屢催輸粵餉彈文不怨過淮船  
民懷寬政完逋稅吏凜清風減例錢  
最是關情師友切聽來含笑向江天

贈李維饒孝廉

破帽西風九月天偶同何遜訪平泉  
門如蔣詡初開徑



客似張融斲寄船丘壑晨昏隨杖履庭闈色笑有詩篇  
覩君佳句驚無敵愧長吟壇三十年

予生壬子君壬午僭長三旬

劉遠公索題扁舟圖

蓬窗客靜楚天孤萬里隨風作釣徒秋水茫茫兩岸失  
扁舟渺渺一絲無貌癯似辟留侯穀興盡仍歸孺子湖  
從此全家移入畫不勞開卷更看圖

飲遠公湖上居

廿載扁舟客今年汎宅回相逢司馬第共醉菊花杯道  
貌豐難認

遠公素癯今益然

僧裝改自猜別離不盡敘明日叩

門來

去歲頻來此生涯羨作漁那知湖上宅卽是故人廬補  
葺因初返蕭閒似寄居何年結茅屋魚艇到階除  
伊昔笙歌地荒殘半似村纍牆因瓦甃編竹補籬門饌  
出遺方在盤陳故物存不緣驅寓客那肯返家園  
狂談容易醉禮法可全刪掌燭初移席留城莫上關湖  
風吹酒散江月趁人還却顧門前路茫茫一水環

朱定遠索贈

故世職指揮使

西江意氣苦難平曾耳朱家舊俠名肘上力閒惟賣畫  
眉間色在不談兵國恩祇用窮愁報世職還因廢棄榮  
尚有壯心降未盡酒酣慷慨作歌聲



寄李羽先

為見羅先生裔孫

豐城家世仰先賢零落裔孫最可憐  
大宅入官猶望價遺書經火有誰傳  
春無隔宿常留客酒但謀歡不惜錢  
記得夜深吾醉後笙歌攪醒一街眠

李梅公司馬七十壽詩

吉州前輩氣如春陽月剛稱七十辰  
方外逢迎無禮法夜分談讌見精神  
世言安石真名士我仰山濤舊直臣  
懷抱一生詩酒樂知君家世謫仙人

也知出處任浮沉金馬遙憐避世心  
老去鬚眉渾雪色人前咳唾作鐘音  
花矜玉樹先時放韻押香奩逐字吟

遠山夫人有集

定有赤松期結伴西山深處好相尋

李司馬席上贈文燈巖

欲訪柴桑路未通清秋忽聚菊花叢  
籃輿偶出乘高興

皂帽同時避朔風

席上惟予與先生絮帽

淚洒西州悲故相

謂姜閣學

詩存南國表孤忠

公刻海岸先生詩

皖江潮接潯陽近我欲相

從把釣筒

題趙國子小影

報恩背上三尺劔救世壺中九轉丹  
此是英雄真面目旁觀莫作道人看

將發黎博菴過舟夜話



理楫候明發先生乘夕來狂談時擊節小飲不辭杯口  
已多年閉懷從今夜開乞文曾有喏

許為先君墓誌

相約及春

回

同紫屏訪洪浪上人

上人為予同鄉

精舍蓬窗見呼船暮叩扉小徒留客坐鄰院覓師歸佛  
法同鄉護市囂隔水稀喜君饒本色不用騁禪機

卜築無多地容身得幾間自矜蔬有圃須種竹為關訪  
舊客重到叅方僧不還相期秋色好結伴入西山

題石溪禪師畫為何紫屏五十初度

何子別我十六載鬚髻已變冠服改章門握手淚泣然

點胸幸有兩人在今年春月稱五旬生歲維乙月在寅  
吾生合秉五行秀木氣多者其人仁大撓十干甲為兄  
乙也次之配長庚陰符遯甲易帝乙慎德應鍾太乙精  
石溪高僧吾老友手寫長松為君壽不羨叅天勢莫攀  
且喜凌霜凋獨後松傍老樹還森然枝葉雖異根相連  
谿亭兩翁語何事應是同叅枯木禪

夜到壽昌寺哭其天禪師

駐楫趨程日暮時逢僧還怪客來遲叅禪衆散叢林冷  
說法堂空深草知夜到故人通寺喜坐談遺事一門悲  
當年天界無窮淚又向西風哭汝垂



康僧閣上罄深談且喜吾宗道已南秉拂爭知能繼法  
論詩謬許是同叅壁留半偈傳雙樹門對千峰守一龕  
卽恐祖庭虛席久栖霞早問老瞿曇

過昭武謝張聞自明府買舟下延平

琴堂草塞閣門扃客刺初傳躡履迎自說簿書成俗吏  
乍看談笑尚書生地衝驛困官難應縣瘠民頑法不行  
爲覓扁舟勞損橐倚舷深頌故人情

到延平暮雨投宿陳昌箕寓齋

廣文栖半嶺路滑苦相尋我自推門入君方繞砌吟詩  
毋因客廢酒且與同斟莫話七年別徒傷遲暮心

延平送紫屏南去予上建寧

送君聊佇立苦恨順風催柁已隨溪轉窗猶望岸開霧

中孤棹遠崖畔一人回予亦逆流去明春可定來

紫屏  
約明

春至  
芝城

建溪旅泊邂逅許天玉因聯舟痛飲讀其新詩

不見許詢三十年相逢同買建溪船高灘響急銜杯過  
古驛更疎聽雨眠童豎暗驚談往事榜人爭聽咏新篇  
吟壇屈指今無敵可但聞鄉數汝賢

醉後贈連石菴叅軍

三山連子氣如雲酒盞詩壇天下聞家世爲儒非所好



田間詩集 卷一  
無端投筆思從軍軍吏豪華復誰過時事既非家亦破  
城中甲第已屬人客裏賓朋猶滿座卽今僑寓建安城  
過客何人不識名夜夜燒燈呼酒伴時時按拍聽歌聲  
黃華山居最瀟酒一榻經旬爲予下對雨旋傾架上杯  
衝泥每跨槽邊馬我本江頭憔悴人感君意氣重君真  
急難但識朱家義交游誰信鄭莊貧跼踖轅下不言苦  
朝朝帶劔趨軍府昨夜酒酣軍牒來仰天長歎不能語  
連子連子爾何爲年年爲官官轉卑近來軍職賤如土  
爾獨蹭蹬胡數奇連子大笑頻搖手此城負我千斛酒  
問君酒債何時完酒完之日纔遷官

將返延津留別連石菴

黃華山脚參軍幕白舫灘頭野叟來風雨兼旬頻試伎  
賓朋無夜不銜盃詩看速就才偏澁酒與同傾量漸開  
欠事未聽新樂府相期燈夕盼予回

集連章侯齋頭用雲字

閩江高誼數參軍風雅傳家更有君把盞綠浮通夜酒  
開簾白走一溪雲飲豪似減相如病情至頻吟孫楚文  
生有悼 亡之戚 不是老狂貪久坐天涯夜雨最難聞

重過延平訪葉慕廬司李

閩郡溪山在上游一時司李盡風流偶逢遺老傳新句



謂文燈岩

且喜荒城是舊遊越國交情懷繡水

君原籍皖江秀水人

文物接黃州此邦變後難回首爲爾重登百角樓

不到并州十九年再來真倚故人賢似聞洞口猿猶叫  
重覓津邊劍可憐名士豈能無過客此官不用廢詩篇  
僧窗一卷焚栖草伴我孤吟夜懶眠

送陳昌箕廣文之永安併柬諸友

廣文官滿不聞遷還向交遊覓酒錢已囑老妻牢鎖印  
又逢高會慢開船山城兵占悲沙縣村郭人稠憶貢川  
記取侯門多債主莫將觴咏了殘年

百角樓懷古

百角樓高頰碧潯廿年此地再登臨渡江一馬踪全失  
躍浦雙龍劍莫尋棟宇已更前代製雲山偏觸舊遊心  
卽今壁上紗籠滿獨有羈人倚檻吟

延平感懷

廿載延平淚茲來始一揮登樓遺眺在過市昔人稀風  
物淒殘照雲山斂舊暉虛懷詢父老往事可全非  
冠蓋昔全盛經過祇獨嗟府前官下馬山頂吏開衙遺  
事刪天寶名流散永嘉暗尋僑寓處錯認幾人家  
伊昔居停在依稀寶積坑故家多易主委巷半栖兵屐  
怯穿街過車危下嶺行降丁安插處今已是荒城



城市何曾改行來迴欲迷負塗官路豕亂曉寺門雞覓  
過街分水槽橫巷有泥東頭樓最古今已換新題

百角樓改

為先  
鋒樓

久斷閩溪夢何期此再經山城堞更粉郡閣瑣餘青搜

誌書難借升衙鼓慣聽莫嗟相識少吾鬢總星星

起居尋丈裏未晚紙窗昏送客聊詣徑看山只在門僧

寮兵婦雜公解吏人存故老勞相問慚予少舊恩

僧舍炊將絕況當歲欲除所嫌栖近府敢嘆出無車血

少難成夢眼昏省看書故園今夜冷兒女正愁予

冬餘無幾日客滯已兼旬長吏時時易居民處處貧固

窮惟信命貶道枉干人從事官偏冷煩渠給米薪

謂葉慕廬

也覺眠難穩朝寒不敢與炭錢經雨長米價逼年增苦

憶論文友

時昌箕  
客永安

徒聞嗜酒僧

聞寺有酒  
僧亦遠出

隔溪好山色

天霽共誰登

客況從來慣窮愁亦自安獨傷頭已白又見歲將殘歌

管宵深近山城雨住寒世情吾不怪時事屬艱難

寄姚經三三山客署

一別經旬雨三山望不開遙憐司李署誰把論文杯作

客知予拙逢人說爾才幾時辭幕府歲晚共舟回

井叔立春前二日初度小詩述懷



垂老得良友茲遊頗不虛畏君詩卷少覺我語言疎政  
簡早聞道庭閒時著書先儒遺集在日讀幾篇餘  
也識公庭肅經旬少到門人稀知省事胥老不交言郡  
以廉疑僻衙因靜覺尊登車風凜凜真見典刑存

雨中酬王因菴廣文招同陳昌箕羅舊亭吳子

絨劇飲大醉

廣文署冷晝常局召客衝泥屐滿庭垂老成名羞作吏  
半生得意在談經雨天傾倒真宜醉鄉國謳吟盡可聽  
苦被衙齋催客去登筵酪酏不知醒

是夕復赴南令召

除夕前一夜葉井叔招同江無方小飲大醉

山城冷署夜開樽把燭人稀自啓門一座皆醒看獨醉  
大家恭默聽狂言老逢歲暮悲前事客到途窮憶舊恩  
莫怪野夫無忌諱孤心此夜共誰論

走筆和井叔見贈原韻

高齋共醉兩三場歲盡衙荒燈火涼夜半酒徒哀異代  
樽前詞客敘同鄉

謂江無方

安心不去憑年逼遣興多方畏

夜長報道明晨官起早留連無奈此翁狂

甲辰除夕

旅愁鄉思集黃昏打鼓辭年處處喧遠致貴文蔬滿把

昌箕送菜

近分從事酒盈樽

慕廬餉酒

燒殘蠟燭難尋客祀罷家



神自掩門稍喜從遊能對飲細將詩法夜深論  
半生萍梗滯天涯又向閩江度歲華地煖未須爐種火  
途窮不信燭開花勸人守夜圖安睡制僕思鄉許醉譁  
此際江村多閉戶松烟洩處是山家

田間詩集卷第十二

田間詩集卷第十三

客隱集 起乙巳止丙午

乙巳元旦

歲朝鐘鼓動香臺曉起占雲霧不開枕上原成先發筆

為葉井牀頭酒煖自銜杯徒行只荅遊人拜索和時防

老友催片笺以元旦好笑去年裝早束柴門預訂隔年

回

城郭蕭閒市悄然出行且喜得晴天官衙隔夜纔貽酒  
客舍侵晨便數錢遊子好占新歲夢老人最穩昨宵眠  
此鄉三度逢元旦屈指經今二十年



戴維烈孝廉寓中觀奕

同人不得意相聚歲除時  
敢信交當廢惟知客漸卑  
興豪充飲戶膽大敵棋師  
總是消閒法偏於逆旅宜

雜作三首

亂離同散失辛苦獨追隨  
過嶺人家熟投村燈火遲  
別來嘗記念見日轉增悲  
百折難回志惟餘爾尚知

示陳椽舜

憶昔逃名去棲山恐不深  
可憐人盡棄猶見爾相尋  
敘

舊真如夢懷恩尚有心  
所酬詩記得時在客前吟

示羅書佐

病廢一如此相看祇淚痕  
乍驚予已老寧料爾猶存  
亂

日多同難窮時憶昔恩  
半生心與跡汝外向誰論

示余小吏

兩中同陳昌箕王因菴飲羅舊亭新居

不作安成令全家寄劔州  
莫言三徑隘已費一冬謀  
地

狹親朋密人間市井幽  
看君頭未白詎肯老林丘

寶積坑邊路重來甘載餘  
羅舍新卜宅錢起舊僑居

君新居是我舊寓

題壁詩難覓開簾山故如  
躊躕今昔意最是入

門初

屢有招尋約剛逢夜雨時  
僕催知候久杯滿罰來遲  
遊



倦偏憐客交濃為喜詩三山流寓外唱和更同誰

沙縣酬傅友仙明府時方挂吏議

山縣凋殘客再來撫循真仗仲卿才邑逢厄運應難轉  
更有清操早見猜父老不知官欲去舟航猶載宅初回  
也知宦興因時倦其奈民情大可哀

沙縣有感

亂日羈栖此縣頻重來榛棘滿城闌人歸初喜降丁去  
宅壞爭嗟大戶貧市上鼓刀稱小吏車前避道見遺民  
劫餘獨有春郊草依舊風吹一樣新

過鄧子與有作

絮語連宵莫厭煩同人今得幾人存數經國變憐俱在  
親見民艱仗一言老去貧交常滿座遊回債主日填門  
高齋斗大纔容膝自寫經書課子孫

傅友仙明府招同鄧子與遊洞天巖紀事

曰予離沙縣今將二十年人民無故舊時事皆變遷竭  
來尋老友遺蹟尚依然邑君喜我至假館為留連召我  
宴城西有巖名洞天林石互掩映溪流抱其前君出挾  
弓矢從騎為客先中道馳且射觀者井巷闐豈知射御  
妙但識君侯賢馬聲入林去人影簇溪邊登巖大置酒  
寓日郊與塵樂哉今縣人十室五炊煙遙見帆上下中



有還家船君侯且未去速至毋遷延酒罷客已醺命駕  
起言旋巷口人爭出惟恐不及焉間有識予者擁輿帷  
爲褰良以愛君故俾予亦見憐茲遊雖不壯茲事良可  
傳鄧子屬紀事留待石上鐫

同鄧子與訪半溪

爲趁新晴乍出城近郊一帶莽春聲橋危縱馬浮溪過  
路狹逢樵讓畔行努力看山遊子興偷閒逐伴故人情  
不知花事何時老已見秧針冒水生

半溪老僧索贈

一林松竹半溪環二十年來住此山爲接宰官扶杖出

更催徒衆荷鋤還源流自說承金粟瓢笠曾經出玉關  
却怪名根終未了要傳履歷到人間

酬姜秀才逢源

昔年倉卒困風煙焙筍寮邊幾夜眠粒盡誰留韓信飯  
途窮忽贈繞朝鞭崎嶇歷盡驚予在飄泊重來念汝賢  
高誼卽今無可報留將詩句與人傳

茂溪感懷

籃輿仍訪舊漁磯鬚髮蒼然識者稀市井已驚行去改  
人民莫怪見全非幾經劫火村猶聚難得流離客盡歸  
此會卽今疑夢裏莫題往事淚重揮



酬羅奎之秀才

羈栖重返故溪濱，好友相逢涕淚頻。  
懷抱僅存三歲子，晨昏猶侍百年親。  
燈前目力嗟偏短，頷上髭絲與共新。  
咫尺郭門曾不入，對君猶見古冠巾。

羅氏溪上館

高館新開溪上頭，我來無渡自拏舟。  
洗開石色當軒出，砌就泉聲繞屋流。  
隔水童歸呼送酒，戲荷魚動欲垂鈎。  
知君課子心殊切，爲聽談經日再遊。

茂溪月夜諸子汎舟大醉

城堡何時築，溪流似昔年。  
可憐深夜月，還向故人圓。  
席

散重攜酒灘危，自刺船把杯期盡。  
醉判向水中眠。  
夜大醉奎

已是廿年別，自然皆老夫。  
門庭今轉盛，池館昔通無。  
白髮人勞認，青山伴未殊。  
相看悲伯氏，流涕向山隅。

夜到順昌投宿普慶寺雨阻寄丁信可明府

把火呼船夜渡溪，籃輿入市徑全迷。  
巖城官出難投宿，野寺僧容且暫棲。  
百道泉聲牀下走，四圍樹色雨中齊。  
遙知驛路停車久，正看村農趁水犁。

寓普慶卽事

蕭寺城東一徑偏，重來猶憶下車年。  
流泉聲裏挑燈坐



雜樹陰中聽雨眠僕慮侵寒私貰酒僧爲撥悶與揮絃  
郭門咫尺無人問飽飯伊蒲媿老禪

酬松關見過併柬曉庭

空林雨滯獨徘徊喜有衝泥老衲來山路翠深霑亦好  
鬚髯白盡見還猜怪君受戒將詩廢看我揮杯用茗陪  
寄語緘關參學者何妨特爲故人開

贈順昌丁信可明府

山郭經過驛路存凋殘小邑半如村追呼日急心徒苦  
功令雖嚴弊轉繁吏議文深寧免責民情事過始知恩  
卽今官舍同僧冷贏得邀賓酒一樽

李澹園邀飲醉後走筆

我從芝城來延津周旋多是三山人昌箕先生吾老友  
到門下榻無主賓因菴雅量世少及每見心醉如飲醇  
春來共飲羅含宅主賓爛熳皆天真延陵吳子同時客  
追隨無問昏與晨黃華山畔主連尹黯淡灘頭逢許詢  
把詩卽吟飲卽醉別來今已十五旬籃輿重到雙峰下  
耆舊凋喪無與親柏鄉大令舊司訓文章一見交有神  
逸情爽氣照四座荒館寂莫爲生春山城有屋賣不得  
拊手無計濟老陳謂昌箕我生足跡東南徧交遊垂老半  
在閩三山往往託深契吾徒夙昔厥有因君今服闋仍



補邑或在吾鄉吾爲民下車若訪田間宅記取松桂臨  
江濱

過何劒客別業

何奉召  
仙惟謹

憶在雙峰足嘯歌重來此興半消磨湘靈瑟曲憑誰聽  
何氏園林數許過一縣高朋開閣集四山佳氣入樓多  
知君本是仙曹侶戲占華陽第一科

邑舊名  
華陽

寄將樂令問玉華洞

郭外仙都路不賒行春曾否一停車風衝洞口橋難渡  
火導崖邊杖可擎每恨無緣逢石髓定知有道出丹砂  
當時壁上留題處漫滅今存幾筆斜

同盧漢遠熊甘澍廖朱草楚山上人遊龍興岩  
訪松關曉庭遂至茅蓬

出城無十里一路有泉聲得伴寧辭倦看山不覺行亭  
荒樵共歇田小犢深耕莫更思攜酒吾方困宿醒

早承菴主約臨去只三人能得此時暇定知生事貧雨  
崩畬客路松截縣門塵遙念禪關裏茶開色正新

遠聞犬迎吠應知客叩關僧開窗對坐童洗鉢偷閒道  
賤多傳法時危難住山見君渾不識猶記昔童顏

茅蓬去不遠山路覺紆迴遙見僧親掃似知客早來竹  
松經手植泉石逐年開何事攢眉叟旁皇酒一盃

昌箕  
以過



此不飲  
為恨

合掌岩訪慧掌精舍主人後到  
渡口逢僧去遊人自到山廚邀泉入甕門倚石為關蔬  
勅沙彌翦炊遲菴主還巖頭松在眼留待日斜攀

仙掌亭

絕壁孤亭掌上開憑虛斗覺出塵埃荒城日落炊皆見  
小艇灘高上不來萬簇米堆峰破碎兩條帶合水滌洄  
非緣同伴貧無事誰許遊人晚未回

避暑茅蓬二首

豸角峰前老比丘為貪巖壑結茅幽朝飢自待人天供

夜坐時看虎豹遊驅遣石頭沿路伏周旋泉脉繞堦流  
只今酷暑逃無地早晚林間已似秋

荒館羈栖毒熱偏出城松竹意蕭然免聞市上呼天禱

時正乍到山中整日眠畬客求分官路水廚人妄費覓

祈雨來泉瓜棚豆架隨時摘不省今年是旱年

同諸子集劔客齋頭醉後作

名園避暑地轟飲集高堂當席思冰爽捲簾納雨涼羣  
峰窺坐秀片石向人蒼老去無多量惟餘此興狂  
疾雷驅暑去庭院已蕭蕭出席衣堪御登樓酒半消雨  
絲吹客面雲氣鎖山腰漁艇灘聲裏憑闌似可招



大名推第五今見二難俱雅量寧堪較狂言或不拘呼  
僮頻洗盞侑客與投壺好友防予醉歸途恐要扶  
酣譙已云夕門扉未許開客行苛令勸吾拉小僮陪酒  
困當風解詩慙得雨催同人且莫散猶勝兩三杯

同廖朱草步月擬過盧生值其花燭不晤卽景  
炎威晝虐夜初涼乘月追風叩草堂坐有嘉賓難闖席  
門多閒地且移牀蕉抽高影凌城入荷散新盤隔院香  
見說佳期先七夕牽牛心妒老盧郎

示廖生朱草

槩溪有客避牆東心跡猶憐數子同五畝田荒兵火後  
一間屋在夕陽中藏書盡向飢時鬻得句多於苦處工  
喜我詩篇頻請益可知我正爲詩窮

示熊甘澍

華陽處士宅蕭然白板雙扉寄市廛無米賴將花本換  
有經每爲苾芻傳興高得伴清宵坐計拙偷閒白晝眠  
詩句偶成隨失稿祇從傳誦識佳篇

示余不遠

鏞城高尚老遺民遠向雙峰賣字頻祇見衣冠存古製  
何妨容髻雜時人家傳獨子須留種室少同牢自養親  
見說此生心不變吾儕無計救君貧



題何劔客十咏樓

層樓百尺倚城開  
二水遙分匹練來  
知到樓前流自合  
不勞爭去故滌洞  
翠色參天定幾重  
遙疑江上九芙蓉  
凭軒歷歷青堪數  
正見雲開第六峰  
九仙峰色插天寒  
七寶堆藍近可觀  
畢竟愛仙輪愛寶  
人來先指寶山看  
豸角峰孤欲刺天  
鋒稜沒見難全近  
來當路邪難觸  
但假霜威亦凜然  
雙尖高處氣先秋  
絕頂誰能策杖遊  
待爾身輕攜我上

放開脚踏兩峰頭

祥雲曉望氣偏清  
曙色東來漸滿城  
此際下方人未覺  
最高樓上早分明  
巖盡軒櫺領月華  
隔溪偏借玉屏遮  
繞屏鬢髻爭羅列  
欲障清光不許斜  
桂花嶺際夕陽微  
片片明霞弄晚暉  
可惜此鄉稀鴈字  
時看驚鷺與齊飛  
舟師爭進放關時  
一片帆檣日影隨  
忽過前灣停不動  
挨幫知是上灘遲  
雨過溪奔艇子多  
蒼茫烟際見漁蓑  
應知水溜魚爭上



來往灘頭亂擲梭

貢川道中作

淒涼沙縣半逃亡且喜鄰封畝未荒  
牛放過溪休大樹雞鳴有屋在幽篁  
時平野火耕山砦日落村煙閉堡牆  
見說昔年曾叱馭官橋驛路意難忘  
溪回遙識貢川城猶阻危灘半日程  
牽纜人多泗水過思家客自刺舟行  
青山縱伐樵無禁翠竹延燒火有聲  
日暮維舟岩際宿一鈎新月向窗橫

重過永安訪龔雲石明府

扁舟又向燕江來七日灘頭苦溯洄  
近市人稠山砦廢沿溪農唱水田開  
官無煩擾饒詩興邑少追呼見吏才  
想到秣收新酒熟衙齋正好共銜杯

二月相期續舊遊羈栖客路早驚秋  
四郊樹黑炊煙合半嶺雲黃粳稻收  
作息自矜安土樂追呼豈識隔鄰愁  
訝君忽有尊鱸典應爲民情且暫留

贈黃朗伯

餘生筆硯已甘焚誰遣詩名到處聞  
老去嘯歌銷歲月閒時吐納盡煙雲  
銜杯戶小知非敵賣字錢多可見分  
近與延平葉司李每談此道合推君

秋日集曾也愚齋蓮道人限韻



故人高會早秋天又費貧家幾月錢酒量大都輸小友

鬢毛強半是同年坐上老經辭佛案供珍饌韻出香奩

散錦賤蓮道人輟佛課歸老我甘依金谷罰詩成已讓

祖生先

永安同龔雲石明府暨黃朗伯曾也愚併欄寺

作

晉代併欄寺今秋我再登遊隨脩祀吏以祀併欄役派

有糧僧酒醞因官窖筵鋪視客增老藤爭伐取吾醉亦

堪憑

修行灣

人山知易主精舍已荒蕪逕竹兵來敗池荷僧去枯老

矜登涉健醉怪吏人扶崖下同遊客聽予嶺上呼諸子

樹下予獨上紫雲堆

贈去聲上人

破寺過從少臨行君始來家於亂日出酒在病中開新

令遊僧禁諸方大衆裁孤雲何處去空有貫休才

同也愚去聲過雲半菴留示溪友

林廬遙掩映一帶是僧家城郭溪廻隱帆檣竹隙斜行

人需打飯寓客為燒茶何處遊踪滯虛留滿樹鴉

北塔



永安城北塔孤峙鑲溪流峰勢當窗亂灘聲倚檻收橋  
梁兵火斷市井爨煙浮一自鳴鐘歇何人住上頭

別曾也愚

別君將念載此別更淒然老至悲雙鬢貧來見兩顴虛  
庭深夜月荒寺苦寒天去後皆堪念新詩定幾篇

留別龔雲石明府

我來七月初溪上秋始新倏焉踐凜冬淹忽十餘旬荷  
子眷戀意言別爲酸辛人生交有道投契皆有因我性  
本疎直往往遭俗嗔惟子意氣合一見膠漆親晨夕縱  
談笑脫略無主賓一日不會面于必遣使詢醉後狎小

吏昔怖今已馴天涯得至友旅舍寒如春解贈不足道

所感子誼真前夜邀我飲蕭然廚饋貧君起自炊釜令

子爲析薪和此盤中藪佐以牀頭醇三十年前樂到今

爲重申

君云少年會  
文常爲此樂

子宦我則客俱忘身在閩會當與

子別欲語難具陳近世課吏治所重不在循我家長江  
上歸去足垂綸子如宦興倦亦望早乞身聞子有別業  
門臨大湖濱魚米賤如土我來爲結鄰不然一帆便往  
還勿厭頻毋事垂老年役役困風塵

永安雜興

既別令移居山寺  
候黃朗伯不至

山城何所戀淹忽十旬餘市匱難求米廚貧間買魚天



寒人興短客久主情疎擁戶無相問乘閒且著書

旅舍人租去權栖破寺中梵勤因客到燈缺見民窮曉

暗一城霧宵寒滿屋風僕夫通夜寐獨醒白頭翁

鐘動不能臥呼童起下牀廚求隔院火瓦蓋五更霜伴

少吟消日僧閒坐向陽三山客未返何計理歸裝

遠出因謀食深居似避喧久無朋好過那得俗人言市

酒脾殊惡燈窗眼竟昏故交惟點也謂曾也愚時一叩吾門

夜坐書難讀應眠苦未疲遠聞衙擊柝暗聽僕爭棋鄉

信客頻寄游踪家未知來時鬚半白今已盡如絲

數月狂歌興臨岐感慨生未能存我法詎敢盡人情地

主頻留住鄉僧許伴行今年歸不及好是趁春晴

百丈巖同陳伊斐去聲上人作

久有攀躋興臨行老伴催山亭沿路歇水笕逆流來橋

跨崩崖置軒依絕壁開倚窗何所見遙指紫雲堆

由百丈過桃源望崖際不敢上

夜來巖際宿曉徑出溪源絕澗偶施板斷崖時有門興

惟因伴侶力已倦攀援往昔留詩處空聞壁上存昔曾

句

再過楸欄酬五燈上人

野寺臨溪岸茲來兩度遊沙深行沒屐渡僻坐呼舟客



了尋山願僧談住院愁小師有詩興堅訂一宵留

葛里懷舊

茲山曾遊跡誰料白頭來讓路樵先過呼門僧懶開詩  
傳亂日句心死佛前灰底事林栖客辭家去不回  
久客難忘舊重來似乍歸漫驚游子老已見主人非泉  
石尋疑改松篁看漸稀野僧相問姓無語出禪扉

宿貢州市樓上聞鐘久之得一聲鏗然琴也率

成

小樓留客臥酒醒夢難成不省夜將半時聞鐘一鳴疎  
因持佛緩鏗與汎琴清轉悟絲桐理中函金石聲

自永安還過延平不及入城寄別慕廬司李

湛湛延津水水落溪潺湲去歲水落至今年水落還往  
來一載餘客路一何艱可憐鬚與髻白盡不復斑扁舟  
過城下遙見城中山念我同心友執法坐其間簿書雖  
紛紜視聽常幽閒與我出處殊而心時相關我當喪亂  
時名玷府寮班我出府主死念之常慙顏昨日覽府誌  
遺蹟頗見刪此邦士習澆非徒民吏頑所以再過此不  
欲重躋攀子念我客久遊事恐不嫻我有詩盈囊茲遊  
亦未慳獨未與子別中腸屢迴環悵然平生言何時與  
子扳



建寧病起書懷

伏枕看垂絕何人更擬瘳病因心血損生是命門留

且病

絕似有人以手自腰逆摩至頂曰祇覺名難斷誰言事汝尚有事在蓋腎氣未絕使然耳

未休分明來去路於此令尋求

素無兒女戀每出頓忘歸病覺在家好老知為客非起

居僮亦得付囑意多違何似村翁疾團圍守一扉

歲除渾未識開戶已驚春求藥憑童僕加餐聽故人

如二

延牧力勸強飯客心灰更冷生意草初新地主煩鄰郡軒居問

我頻

承延平司李永安令問疾

久遊歸思切況是再生餘禪客教除想醫人諫看書靜

中無不悔熟處豈能疎賴得同心友談詩足起予

昨夜甫成寐曉鐘不覺催酬神門吏許丸藥道人來

武夷

山費道人適至世事從春起吾生若夢回詩囊東已久今似欲

重開

田間詩集卷第十三